

VUKATI NI KU THALANA

 A hi korhamiseni tinhloko ta hina nyana leswaku hi khongela. Tatana wa Tintswalo swinene, ha Ku khensa mixo lowu eka nkateko lowu wa kuva lahwani eka odithoriyamu leyi, hi kongomane ni leswi swi taka swa siku. Kambe a hi switivi leswaku siku ri hi khomele yini, kambe hi tiva Loyer a khomeke siku. Swingaleswi ha khongela leswaku Loyer A nga ri khoma ra namuntlha ni mundzuku, ni hinkwawo lawa ya nga riki na Makumu, u ta hi katekisa namuntlha tani hilaha hi hlanganeleke kun'we eVitweni ra Yena, leswaku hi nga ha tiva ku antswa leswaku hi nga hanya njhani leswaku hi ta N'wi tirhela. Luku i ku hetiseka ka makungu ya hina, Tatana. Xikwembu, Wena loyi u tivaka timbilu ta hina, wa switiva leswaku leswi i ntiyiso. Ha tiboha eka Wena, hi xi—xi xiave xa vutomi bya siku, eka xikhongelo xa Wena, hi Vito ra Yesu Kreste. Amen.

Mi nga tshamisa.

² [Makwerhu Branham a vulavula na un'wana eka platifomo—Muhleri.] Ndza khensa. Hi leswi swin'wana haleno.

³ Avuxeni, vayingiseri lava va vonakaka nakambe ni vayingiseri lava va nga vonakiki ku rhendzeleka hi tiko lava hi nga va khweketa mixo lowu. Leswi swi ndzi nyika nkateko lowukulu wa ku ta lahwani nikul vulavula emixweni lowu hi matimba ya nhloko-mhaka leyi. Eka vayingiseri lava va vonakaka, hakunene swa pfulunganya nyana, hikuva ntsena ku ni makhethenisi emahlwesi ka mina, kutani ndzi fanele ndzi vulavula kusuka exineneni kuya eximatsini. Nakambe nile ka vayingiseri lava va nga voniwiki, ndzi ni odithoriyamu ya mina exineneni, na Jimineziyamu eximatsini xa mina; kutani ndzile hansi, ni makhethenisi lawa ya nga pfuleka exikarhi, mari karhi ma endla voko ra mina ra xinene ni ra ximatsi. Kutani hi ni khapakhana, mixo lowu, eka odithoriyamu, nale ka Jimineziyamu, nakambe nale kerekene, kerekene leyi yi nga ehansi eka Eighth na Penn Street. Kutani eka tindhawu leti ti khapaka, maendlelo ya tqingho ya le ku switekeni ti swi yisa eka tindhawu tin'wana.

⁴ Hi vile ni nkarhi lowukulu ngopfu eHosini, kutani hi vile ehansi ka ku langutela eka xikhongelo lexi mixo lowu. Kutani madyambu lawa tani hilaha ku nga ku pfala ka mfhumba leri ra masiku ya mune, hikokwalaho ka yini, hakunene hi rhamba hinkwenu, lava va nga ta swikota, ku va lahwani. Hi tshembha leswaku Hosi yi ta hi nyika leswikulu swa kahle emadyambyini lawa hi ku endla swin'wana leswi swi nga tolrevelekangiki hi ku landzelelana, hi vunyingi hilaha A

nga ta hanyisa vavabyi hinkwavo niku endla swilo swa kahle leswi hi ntolovel A swi endlaka. Kutani hi le hansi ka ku langutela lokukulu ka ni madyambu. Vanhu va rhambiwa ximfumo, un'wana na un'wana, kereke yin'wana na yin'wana ya dinominexini yin'wana na yin'wana. A swo boha leswaku u va u ri Mukreste; kahle-kahle hi vitana vadyohi leswaku va ta nghena, va tshama exikarhini xa hina. Kutani hi endla hi ku antswa hilaha hi nga ta kota hakona ku va dyondzisa hi ndlela ya Hosi, leswaku hi ta kota ku hanya.

⁵ Sweswi ndza tshembha leswaku vayingiseri a va nge rhurhumeli. Nakona ndzi tshembhele eka Xikwembu leswaku a ndzi nge rhurhumeli, hikuva ni vile ni vusiku lebyikulu ngopfu, minkarhalo yo tala. Hikuva ndzi swi tekerile enhlokweni leswaku swilo leswi ndzi swi vulaka mixo lowu swi ta yima swi lwisana na mina hi Siku ro Avanyisa, nakona ndzi—ndzi tsandzekile ku etlela, kutani ndza switiva leswaku loko ndzi nga swi vuli swi ta yima swi lwisana na mina hi Siku ro Avanyisa. Swingaleswi swi endla leswaku swi tika, a wu nge swikoti ku swi hlamusela.

⁶ Kutani sweswi emixweni lowu hi ya burisana hi dyondzo ya leyo leyikulu ya *Vukati Ni Ku Thalana*. Kutani xivangelo xa kuva ni yi endla xikolo Sonto, hi leswaku hi nga ha kota ku vulavula ha yona niku teka nkarhi wa hina, ematshan'wini ya ku chumayela nchumayelo ha yona. I ku dyondzisa loku ku humaka eMatsalweni.

⁷ Kutani ndzi—ndzi lava ku vula leswaku, loko muminstara un'wana kumbe vaministara, eka ndhawu yin'wana na yin'wana, leswaku thepi leyi yi nga ha wela emavokweni ya vona, loko hi tava hi humesile thepi leyi. A ndzi switivi leswaku kereke yi ta endla yini ha yona. Ndzi kombela Makwerhu Fred leswaku a vona bodo ya kereke a nge se ntshuxa thepi leyi. Na n'wina vanhu ehandle ku rhendzeleka hi tiko, n'wina mi nga lulamisa tithepi to kandziyisa, na kombela mi nga yi humesi thepi handle kaloko mi tava mi twe hi Makwerhu Sothmann ha yona.

⁸ Sweswi, loko yi tava yi ntshuxiwile, ni un'wana wa vamakwerhu wa tiministara va mina, kumbe Mukreste un'wana na un'wana kun'wana na kun'wana, loyi a nga tak a nga pfumelelani ni leswi ndzi nga tava ndzi ri karhi ndzi swivula hi dyondzo leyi, ndza—ndza tshembha leswaku a mi nge Yi sandzi. Loko mi nga Yi twisisi hi ndlela leyi ndzi Yi dyondzisaka ha yona, kunene, mi ni nfanelo eka sweswo, tani hi muminstara, tani hi murisi. Nakona ndzi xixima xin'wana na xin'wana lexi mi xi pfumelaka.

⁹ Kutani ku ni swikolo swimbirhi swa kahle eka leswi. Kutani loko kuri ni swivutiso swimbirhi, swi nga ha endleka xin'we eka swona xi ri xa kahle, kumbe xin'we xa swona xi ri

kahle. Swingaleswi hi ya eku ringeten hi languta eka Rito ra Xikwembu, mixo lowu, ku tshamisisa leswi. Eka mina, loko xi ri xiyutiso xa Bibele, Bibele hi ntiyiso yi ni nhlamulo ya xona.

¹⁰ Kutani sweswi ntsena hi nga se va ni leswi, ku sungula dyondzo leyi, kumbexana, ndzi nga se khongeleta Rito, ndzi lava ku hlamusela eka un'wana na un'wana, leswaku ndzi...ngopfu-ngopfu n'wina Vakreste, leswaku ndzi navela...ndzi—ndzi mi lava mi ndzi khongeleta mixo lowu. Ni hinkwako eka vayingiseri lava va nga vonakiki lava va nga eku swi yingiseleni leswi mixo lowu, ndzi khongeleteni, hikuva ndzi lava ku tshembheka ni kuva ni ntiyiso.

¹¹ Sweswi hi swi tekela enhlokweni, hi ku endla switatinendhe leswi, un'wana, loko kuri munhu loyi a nga un'we ntsena, u ta ncinkinyha eka Rona tani hiloko Ri ri exikarhi ka vutomi na rifu. Ku na votala va n'wina lahawani mi nga ta famba mi ri karhi mi pfumela. Xivangelo, votala va n'wina, kumbexani, a mi nge pfumeli. Kambe ndza switiva, eka ministri wa mina, ku ni vanhu lava va taka va ta ndzi yingisela, ni ku yingisela leswi ndzi fanelaka ku swivula; kusuka, kunene, vatshamile kwalahawani mixo lowu, misava hinkwayo, kusuka eka votala va United States, Canada, ni kutsemekanya malwandle. Kutani mi nga ha swi anakanya ku karhala loku ku mi vekaka kona, ku tiva leswaku laha ku nga Heriki loku ku yaka munhu kule swandleni swa yena, hikuva u taya a ya khomeleta eka leswi u swivulaka. Swingaleswi Xikwembu xi ta endla leswaku ndzi va na nhlamulo ya swona, kutani ndzi lava ku swi tshuneleta leswi ntsena hi ku tshembheka tani hilaha ndzi nga ta kota ha kona.

¹² Sweswi ndzi—ndzi kombela vasesi va hina. Kutani ndzi hundzuluxile yan'wana ya marito ya mina leswaku ndzi ta kota ku vulavula emahlweni ka vona. Billy u na wona exikhwameni xa yena, mixo lowu, lahaya, swin'wana swa swilo leswi u nga taka u nga swivuli emahlweni ka—ka vayingiseri lava va nga hlanganana. Ni yan'wana lawa hakanyingi ndzi nga ya vulaka, mi fanele ku twisia. Swi tekeni tani hiloko swi huma—huma eka makwerhu wa n'wina, hi ku antswa tani hilaha ndzi switivisaka xiswona. Mi nga ha tshama ehofisini ya dokodela mi n'wi yingisela, a nga ha vula marito lawa ya nga erivaleni swinene eka n'wina. Kutani van'wana va n'wina va manana lava ntsongo ni vavanuna lava ntsongo, a ndzi mi lavi leswaku mi kuma nsusumeto lowu wu nga hoxeka. Ndzi mi lava leswaku mi pfumela, nakona ntsena mi tshamiseka. Tsundzukani, Ntiyiso wu fanele ku vuriwa leswaku i Ntiyiso.

¹³ Kutani, sweswi, a swi kanakanisi leswaku kutava ni votala va n'wina lava va nga taka va nga yimi naswona leswi nga ta vuriwa, kambe ndzi lava ku mi khorwisa hi Bibele. Nakona ndza pfumela, loko ntsena mi nga xixima mi tlhela mi

yingisela, swingaleswi mi tava ni ku twisia ko antswa niku xurhisiva hi leswi a swi ndzi nghanghamerisa, nkarhi lowu hinkwawo. Ndza pfumela leswaku leswi swi ta swi hlamusela, nakona ndza tshembha leswaku sweswo swi ta swi endla.

¹⁴ Sweswi hi nga ha lehisa nyana swintsongo, awara na hafu, kumbe kumbexani kutlula, eka leswi. A ndzi switivi leswaku ri ta lehisa ku yini.

¹⁵ Nakambe sweswi, ndzi tsakela ku vula leswaku, eka nkarhi lowu, leswaku, mi ri karhi mi swi tiva leswaku vanhu va khomelela eka marito ya n'wina; va swi endla, eka mufundhisi wa vona. Kutani, hakunene, ndzi vile mufundhisi.

¹⁶ Kutani va khomelela eka marito ya mufundhisi, ntsena ku kotisa loko swi ri exikarhi ka rifu ni vutomi. Va khomelela eka marito ya vaprista va vona, ntsena ku kotisa loko ku ri rifu ni vutomi. Nakona hakunene, mufundhisi, kumbexani ni hinkwaswo leswi a swi tivaka ku swi endla, u dyondzisa vanhu va yena ntsena ku kotisa hilaha a nga dyondzisiwa ha kona eka seminari; a swi kanakanisi nile ka muprista, nakambe, eka vukhongeri lebyi hambaneke lebyi byi nga na vaprista. Hikuva, mufundhisi hakunene i muprista; hi yena mukhongeleri. Swingaleswi, loko muprista, eka hinkwaswo leswi a nga dyondzisiwa eka ta yena, eka seminari nale vungwendzeni, wanuna hi ku tshembheka loku ku enteke u vula leswi hakunene a nga dyondzisiwa swona.

¹⁷ Kunene, swingaleswi, loko a ri mina ndzi hava ntokoto wo huma eka seminari yin'wana kumbe ntokoto wo huma e vungwendzeni byin'wana, nakona ku hava leswi swi lwisanaka na swona hinkwaswo, kambe ndzi ni vutomi lebyi nga bya mina ndzi ri ndzexe.

¹⁸ Ndzi vitaniwile loko ntsena ndza ha ri xijahetani. Nakona eka leswi a kuri ni leswi a swi vonakala, sayini leyi a yi twakala kunene yi nga nyikiwa mina, Langavi ra—ra Ndzilo leri a ri nembelela exihlahleni, ni ri na nkombo wa malembe hi vukhale, kona kwala a Utica Pike. Tatana wa mina a tirha Nkul. O.H. Wathen loyi a nga vuya a lova hi xitshuketa. Nakona mi yi hlayile buku, ma xi tiva xitorhi lexi. Kutani kusukela nkarhi walowo... Ehansi enambyeni kutani Ri humelerile ri vonakala emahlweni ka vanhu. Kutani sweswi Ri tekiwile ni xifaniso, minkarhi yo tala, kutani a ri nembelela eWashington, D.C., tani hi mpfumelelo wo kopa, eka Religious Hall of Art, tani hilaha ntsena ku nga Xivumbiwa lexi xi nga riki xa ntumbuluko lexi xi nga kambisisiwa hi xisayense loko xi tava xi fodiwile; Langavi ra Ndzilo leri ri fanaka, leri ri langutekaka ri fana ni ndlela yin'wana na yin'wana, leri ri nga humesa Israel a Egipta. Ndzi pfumela leswaku Ri Yesu Kreste hi xivumbeko xa Moya, eka Vun'wana bya Xikwembu.

¹⁹ Hikuva U vitaniwile “N’wana wa munhu” loko A tata ro sungula, sweswi U vitaniwa “N’wana wa Xikwembu,” eka Miliniyamu U tava a ri “N’wana Davida.” U tile a ri N’wana wa munhu, Muprofeta, tani hilaha ku nga vulavuriwa ha Yena; sweswi hi Yena N’wana wa Xikwembu, a ri ehandle ka ntumbuluko; eka Miliniyamu ya kahle leyi yi nga tata, U tava a ri N’wana wa Davida, a tshameke eka xiluvelo xa Davida. Tani hilaha vahlayi va Bibele hinkwavo va switivaka leswaku xexo i xitsembhiso xa Vukwembu lexi nga ni Xikwembu, eka Davida, Xi ta pfuxa N’wana wa Xona a ta tshama exiluvelweni xa yena.

²⁰ Kutani sweswi eka lowu wu nga twisisekiki, ministri lowu wu nga woixe, ndzi thyiwe hinkwaswo kusuka eka “Xikwembu” ku fika eka “javulosi.” Kutani sweswo, minkarhi hinkwayo swi hi ndlela ya leyo.

²¹ Sweswo hi leswi achibishopo loyi wa kereke ya Khatholiki a nge teri eka mina madyambu man’wana ehansi lahaya, ku burisana a kuri leswaku, kutani u teri, “Makwerhu Branham, Yohana Mukhuvuri yena u tixakahatile erivaleni eMatsalweni, tani hilaha swi nga vula hi muprofeta Esaya.” A ku, “Ministri wa wena wu tixakahata erivaleni eKerekeni.” A ku, “Malutere ya kona eBibeleni.” A ku, “Malutere ya tivile Luther. Mawesley ma tivile Wesley. Kambe Mapentekostal wona ke?” A ku, “Va le ku tsendzelekeni. A va kutivi laha va nga taya kona.”

Kutani ndzi ku, “Nkulukumba, ndza swi amukela sweswo.”

²² Kutani a kuri nkarhi walowo loko Moya wu ta wela ehenhleni ka n’wa manana, a nga se tshama a ndzi vona, nsati wa yena... kutani u vulavurile a tlhela a tekela enhlokweni swo fana.

²³ Sweswi, hi ku tshembheka, ndzi nga se vulavula hi Hungu leri mixo lowu, a ndzi switivi. Ndzi n’wi byerile, ndzi ku, “Nkulukumba, a ndzi nge swikoti ku swivula sweswo. Walowo i nchumu lowukulu ku wu vula. Wu languteka ku kotisa wona.”

²⁴ Nchumu wun’we lowu ndzi wu tivaka, hi leswaku ku ni swin’wana swi nga humeleta, hakunene-nene. Hinkwaswo swilo leswi, ntsena, swi kambisisiwile hi xisayense, swi tlhela swi kambisisiwa hi ku rhendzeleka niku rhendzeleka hi misava, swi ngaka swi ngavi ntsena xi endlekalo ntsena. Swi Ntiyiso. I yini xana? Mi nge ndzi vula leswi, hi ku tivula, ndzi nge se vulavula na n’wina mixo lowu, a ndzi switivi. Nakona a ndzi nge chavi ku tshukunyuka ku kondza ndzi twa leswi swi humaka eka Yena leswi a nga vulavula na mina nkarhi lowu wu nga hundza ni kuva a ndzi byela swilo leswi.

²⁵ Tsundzukani, Hosi ya hina Yesu Kreste a yi kalanga yi tixakahata yona hi Yoxe tani hi N’wana wa Xikwembu. U teri,

“Mi teri Ndzi yena; emakun’wini lawa Ndzi nga tswariwa eka wona,” ni kuya emahlweni, kambe Yena a nga kalanga a tivula hi Vuyena.

²⁶ Kutani, sweswi, lero a ri ri Langavi ra Ndzilo leri ri rhangeleke vana va Israel, a kuri Hosi Yesu Kreste hi xivumbeko xa Moya, (ma swi pfumela sweswo xana?), Logos leyi yi nga huma eka Xikwembu. [Nhlengeletano yi ku, “Amen.”—Muhleri.]

²⁷ Kutani loko A hari emisaveni, U teri, “Ndzi huma eka Xikwembu, nakona Ndzi ya eka Xikwembu.” Hinkwerhu ha switiva sweswo.

²⁸ Kutani endzhaku ka rifu ra Yena, niku lahliwa, niku pfuka. Saul wa Tarshishi ari endleleni ya yena yo ya eDamaska, kuya xanisa va—va Vakreste, hikokwalaho ka kuva vadyondzisa swilo leswi a swi hambana ni leswi va nga dyondzisiwa swona. Nakona ari nhenha leyikulu; ehansi ka Gamaliel, un’wana wa vadyondzisi lava a vari kona va siku, exikolweni xa vona, vungwendzeni bya vona; ni kuva a ri wanuna lonkulu, ni kuva muofisiri wa kereke. Kutani a swi ri kwalahaya leswaku Rivoni lerikulu, Langavi ra Ndzilo nakambe, ri n’wi ba a wela ehansi, exikarhini ka siku. Kutani Rito ri ku, “Saul, Saul, u Ndzi xanisela yini xana?”

²⁹ Sweswi loko mi nga swi xiyisisa loko Paul, Saul, a pfuka, u teri, “U mani, Hosi?” Sweswi, jaha lero, ku va rivile Muyuda, hakunene a tava a nga vitananga nchumu, handle kaloko kuri na swin’wana leswi a swi kombisa Xikwembu, a tava a nga swi vitananga “Hosi.” Swingaleswi, a Ra hari Langavi ra Ndzilo leri ri fanaka.

³⁰ Tani hilaha Yesu a nge teri, “Ndzi ya eka Xikwembu. Ndzi huma eka Xikwembu, nakona Ndzi tlhelela eka Xikwembu.”

³¹ Lahaya A ri kona, u vuyile hi xivumbeko xa Langavi ra Ndzilo nakambe; U teri, “Ndzi Yesu loyi i N’wi xanisaka; swa nonohwa ka wena ku khadlanya risungunu.”

³² Kutani hi switekele enhlokweni leswaku loko Muapostola Petro, loyi swikhiya swi nga nyikiwa yena swo aka Kereke, hi kuma leswaku a ri ekhotsweni, kutani Langavi rona leri ra Ndzilo ri tile eka swogoga, ri fika ri pfula timbati ta khotso, ri humesa Petro, hi swa xihundla, ku ngari hambi kuri ku kanganyisa murindzi. Eka mina, ka hari Yena Yesu Kreste la nga tolo, namuntlha, ni hilaha ku nga heriki.

³³ Swingaleswi minkarhi hinkwayo mi ta tiva xin’wana na xin’wana hi ntumbuluko wa xona. Xin’wana na xin’wana xi tiviwa hi ntumbuluko wa xona, mihandzu leyi xi yi tswalaka. Nakona ndza mi kombela leswaku mi hlalela muxaka wa muhandzu leyi yi Ri tswalaka, Rivoni leri laha ku nga Xikwembu, hikuva minkarhi hinkwayo Ri tlhelela endzhaku

eRitweni ra Xikwembu, kutani ri khorwisa Rito ra Xikwembu, ri chumayela Rito ra Xikwembu, kutani Xikwembu xi khorwisa Rito lero leswaku ri va leri khomedaka emahlweni ka n'wina. Ku fanele ku va ni swin'wana endzhaku ka Rona.

³⁴ Vanhu va ndzi vitane muprofeta. A ndzi kalanga ndzi ti vitana muprofeta mina, hikuva a ndzi tava ndzi nga ri na xitiya-nhlana xo vula sweswo, kambe ndzi na... Ku vula, ndzi nga ha vula leswi, leswaku Hosi yi ndzi pfumelerile ku rhanga ndzi vona swilo, ndzi vula swilo leswi swi nga humelela, ni leswi swi nga ta humelela, ni leswi swi humelelaka, nakona a swi se tshama swi hluleka na kan'we, hi nkarhi wa makume ya magidi. Xin'wana na xin'wana lexi A xivulaka xa humelela, swi humelerile. Hinkwerhu ha switiva sweswo. Loko kuri ni munhu eka vayingiseri lava va vonakaka lava mixo lowu, kumbe kun'wana, a nga vulaka leswaku nkarhi wun'wana swi tsandzile, u ntshuxekile kuva u yima u vula tano. Kambe loko un'wana na un'wana a switiva leswaku nkarhi wun'wana na wun'wana, eka magidi ya minkarhi, a swi hetisekile swi ri kahle, mi nge, "amen." [Nhlengeletano yi ku, "Amen!"—Muhleri.] Wa vona? Swingaleswi sweswo kutava kuri swo banana niku rhendzeleka hi misava.

³⁵ Swin'wana ntsena swile kusuhi niku humelela. Xikwembu a xi kalanga xi rhumela swilo leswi ku nga ri na xivangelo xa swona.

³⁶ A ndzi ri ntsena eku ehleketeni lahwani. Ndzi xivekile lahwani, xin'wana xa tinotsi ta mina. Leswaku ndzi ambarile mixo lowu, sete ya rhingi ya xikhafu... Kutani votala va n'wina mi swi twile hi ta mutlangi loyi wa ndhuma wa timuvhi, Jane Russell, kutani manana wa yena i wa Pentekostal; kutani Danny Henry i mutswala wa yena, mutswala wa yena wo sungula, mhani wa n'wana wa sesi wa yena. A ri wa Baptist. A yimile eka nhlengeletano, nhlengeletano ya Business Men eLos Angeles, California, malembe ya mbirhi lawa ya hundzuke.

³⁷ Kutani ntsena ndzi yile emahlweni ni vulavula hi yukulu, bya matimba, ya switativendhe swa nsusumeto; leswi hambi kuri muangameri, un'wana wa vaangameri wa generali ya Assemblies of God, a xikela ehansi eka platifomo kusuka ehenhla eka balkhoni laha a tshamile kona, kutani aku, "A ndzi pfumeli leswaku Makwerhu Branham u vula swona sweswo."

³⁸ Ndzi ku, "Ndzi fanele ku swivila, nkulukumba. Hi LESWI HOSI YI SWIVULAKA." Kutani, swingaleswi, a swi ri swa kereke ya nguva ya leyti.

³⁹ Kutani hi nkarhi walowo, wanuna loyi lontsongo loyi a ri n'wamabindzu... Makwerhu wa yena u le... a ri kona a ri karhi a teka swifaniso swa thelevhixini mixo walowo, makwerhu wa yena lon'wana i-i mulanguteri wa patu ra

mfumo wa California. Kutani Danny Henry a ya emahlweni endzhaku kaloko nhlengeletano yi pfariwile, eka platifomo, tani hi *leswi*, laha vavanuna hinkwavo a va ha tshamile, a rhelela a ta a ta ndzi vukarha. Kutani a vula marito lawa, "Makwerhu Branham, ndza tshembha leswi a swi twakali swi ri ku sandza, kambe," a ku, "sweswo swi nga ha endla ndzimana ya vu23 ya Nhlavutelo." Laha, ku nga na makume mbirhi-mbirhi wa tindzimana ntsena eka Nhlavutelo. A ku, "Ndza tshembha a swi twakali kuri ku sandza leswi." A nga vanga ni yan'wana yo tlula ya lawa... Sweswi, jaha a ri ri ra Baptist, kutani a nga tivi nchumu hi leswi swi nga ehandle ka ntumbuluko. Ni mavoko lawa a ya ndzi vukarhile, u sungurile ku vulavula hi ririm i leri nga tivekiki.

⁴⁰ Kutani loko a ha ya emahlweni ni kuva a vulavula hi ririm i leri ri nga tivekiki, a kuri ni—ni xidludla, wansati wo zwi hala loyi a tshamile emahlweni ka mina, u yimile, a ku "Sweswo a swikali swi lava ku hlamuseriwa." A ku, "Ndzi huma eShreveport, Louisiana; kumbe Baton Rouge, Louisiana." A ku, "Sweswo kova Xifurwa lexi xi nga erivaleni."

⁴¹ Victor Le Doux, loyi a ri wanuna wa Mufurwa, nakambe a tshamile ehenhla lahaya, a ku, "Hakunene-nene, ndzi wanuna wa Mufurwa, kutani sweswo a kuri Xifurwa lexi hetisekeke."

⁴² Ndzi ku, "Yima nyana. Wena tsala ehansi leswi a swivulaka, na *wena* tsala ehansi leswi a swi vulaka, u nga se vula nchumu. Tsala ehansi leswi u swivulaka, kutani hi vona tinotsi ta n'wina." Kutani swingaleswi un'wana u swi tsarile ehansi, ni un'wana a tsala ehansi, hambi kuri swihikahato a swi fana.

⁴³ Kutani ntsena hi nkarhi walowo, loko va tava va tisile tinotsi, un'wana wo languteka kahle, jaha leri ntsongo ra nhloko ya blondo a ta a huma hi le ndzhaku. Laha, a ku ngari na ndzhawu yo n'wi ringanelia leswaku a nga tshama ehansi; a yimile endzhaku. U tile haleno emahlweni, a ku, "Yimani nyana, ndzi tsakela ku tisa xipapilana, na mina." A ku, "Ndzi toloki ya Mafurwa ya U.N., United Nations." A ku, "Ndzi tsakela ku siya xipapilana xa mina."

⁴⁴ Kutani, lahwani, hinkwato tinotsi leti tinharu a ti fana, ta Xifurwa. Kutani lahwani hi leswi a swi hlayisekisa xiswona. Leti i tinotsi to sungula leti nga tekiwa, xipapilana lexi xi nga tekiwa. Lexi i xipapilana xa Danny, yena hi yexe, a xi vekile exikhwameni xa yena. Hikuva, xi yile eka Christian Business Men, ni kuya emahlweni.

*Hikokwalaho ka kuva u hlawurile ndlela leyo lala,
ndlela leyi yi tikaka; hilaha u fambeke hi ku hlawula
loku ku nga ka wena.*

*Wena u nga teka xiboho xa kahle lexi xi tiyeke,
kutani hi yona Ndlela ya Mina.*

Hikokwalaho ka xiboho xa xinkadyana lexi, xindhawani lexikulu xa Tilo xi tava xi rindzerile wena.

I xiboho lexi xi kwetsimaka njhani lexi u nga xiendla!

Lexi eka xona ku nga ni leswi swi nga ta nyika nikuwa leswaku ku kwetsima loku kulu ngopfu ku humelela eka rirhandzu ra Vukwembu.

⁴⁵ Sweswi, wanuna u tsarile vito ra yena lahawani. "Xitativendhe lexi nga lahawani ehenhla xi tolokeriwile hi, i xa Danny Henry loko a profetela Makwerhu Branham, lexi nga nyikiwa hi timbhoni tinharhu ekhefini eLos Angeles, California."

⁴⁶ Sweswi, wanuna yena ya loyi lontsongo loyi a nga nyika vuprofeta lebyi, a nga ri eku switiveni leswi a swivula, ari eYerusalem kwalomu ka nhweti leyi yi nga hundza. U vile ni nkateko wo ya ehandle ni—ni ku pavalala esirheni leri Yesu a nga fela kona niku lahliwa. Kutani swingaleswi loko a ha pavalarike kwalahaya, u teri ndzi tile emiehleketweni ya yena hi matimba hiloko a sungula ku xiririka mihioti. A ku, "Hilaha Makwerhu Branham swi nga n'wi tikela hakona ku yima a lwisana na misava ni swilo leswi, ni tikereke hinkwato!"

⁴⁷ Kukotisa loko swi—swi tshame swi vuriwa hi un'wana, wa xiphemu xa Billy Graham, a ku, "Hi nga ha kota ku vona Billy Graham, hikuva tikereke hinkwato ti hlanganyeli kun'we eka yena. Hi vona Oral Roberts, Mapentekostal. Kambe hi ngava na swilo njhani, loko Swi ri leswi swi hambanaka ni leswi vanhu va nga dyondzisiwa xana?" Swi Xikwembu.

⁴⁸ Kutani, Danny, leswi a nga swi endlela ndhawu, u endlile swiribyana leswi ntsongo. U yile laha Xihambano xi nga vekiwa ehansi, laha va nge teri Xihambano xi vekiwile eribyeni. A kuri hava munhu loyi ari kona, swingaleswi u fayile xiphemu xa ribye a xi veka exikhwameni xa yena leswaku ku va matimu, a vuya ekaya a fika a ndzi endlela pherhe ya ringi ya xikhafu ha rona. Kutani, hi ku chavisa, loko a tava a ti endlile, a ti languteka ti ri na xinaka xa ngati. Kutani kusukela eka leri rin'wana ra wona, hi ku vuyelela, matsutsuma hi ku kongoma, hi xindledyana xo lala kuya exikarhini xa wona. Sweswi sweswo swi nga hava swi ri ntsena... Wa vona, un'wana swi nga ha endleka a nga swi tekeli enhlokweni, kambe eka mina swi fambelana ni swilo leswi ndzi swi pfumelaka. Ndzi pfumela leswaku xin'wana na xin'wana xi ni lexi xi xi vulaka eka swona.

⁴⁹ Kutani sweswi, eka lowu nkarhi, hambi Hosi yi na yini. Loko leswi swi nga ri swona leswi A nga swi profeta, eka Malakiya 4 kutani nale ka Luka 17, ni yan'wana Matsalwa yo tala leswi swi fanelaka ku humelela eka siku leri ro hetelela,

ndzi nga ha vula leswi hi ku pfala, swi andlarile masungulo ya munhu loko a ta ta. Swingaleswi ndzi khensa ngopfu Xikwembu xexo xa Matimba hinkwawo, loko swi ri hi ndlela ya leyo, xi ndzi pfumelerile ndzi endla nyana swin'wana swintsongo, eka xiyimo xa mina lexi ndzo ka ni nga dyondzangiki, ku kombeta ku amukela ka rirhandzu ra Xona eka mina, rirhandzu ra mina eka Xona, ni rirhandzu ra hina eka vanhu.

⁵⁰ Swingaleswi, hi ku tshembheka, ndzi tshunelela dyondzo ley i ya *Vukati Ni Ku Thalana*. I ngaku Xikwembu xi ngava na tintswalo eka hina hinkwerhu.

⁵¹ Kutani sweswi yingiselani swinene. Kutani, vasesi, mi nga tlakuki mi famba; tshamisekani nyana swintsongo. Vabuti, endlani swo fana na n'wina. Mi nga ti timi tisete ta n'wina ehandle kwalaho, hi leswi swi taka eka ku khweketa loku. Mi nga swi endli sweswo. Ntsena tshamisekani ku ringana timinetse tintsongo, ku kondza swi hela. Mi yingisela hi vurhon'wana. Loko u nga yimi na swona, tsala ehansi Matsalwa lawa ndzi matirhisaka, kutani u madyondza u ri karhi u khongela swinene u nge se teka xiboho.

Xikwembu, hi pfuni tani hilaha hi ringetaka ku tshunelela dyondzo ley i.

⁵² Sweswi, yi nga ha leha nyana. A ndzi mi lavi mi va lava va jaheke. Kutani ntsena tekani nkarhi wa n'wina, hinkwerhu ka hina, kutani hi dyondza Rito ra Xikwembu, hi ntiyiso ni ku tikarhata, tani hilaha hi switivaka leswaku hi ta Ri dyondzisa ku yini.

⁵³ A hi sunguleni hi Mukwetsimi Matewu, ndzimana ya vu19. Kutani hi sungula, ndzi pfumela leswaku, i vhere ya vu8 ya ndzimana ya vu19, ndzi tsakelaka ku sungula hi yona. Ndzi nga ha sungula nakambe hi ya vu1, kutani hi hlaya kuya ehansi ku ya fika eka ya vu8 vhere ya ndzimana ya vu19.

⁵⁴ Sweswi, tsundzukani, swilo leswi ndzi nga ta swivula swi fanele swi huma eRitweni ra Xikwembu. Swi ngaka swi ngavi mavonele ya mina, hikuva mavonele ya mina ya ntsena ku kotisa ya un'wana na un'wana. Kambe swi fanele kuri leswi swi yaka emahlweni na Rito ra Xikwembu. Tsundzukani, Xikwembu xi hlaysia hinkwaswo leswi swi tshamelaka ku ya emahlweni. A Xi kali xi ncinka. Hi Yena tolo, namuntlha, ni hilaha ku nga heriki. Ma swi pfumela sweswo xana? [Nhlenegetano yi ku, "Amen."—Muhleri.] Wa ha fanana.

⁵⁵ Sweswi ndzi ta hlaya kusuka eka ndzimana ya vu19.

Yesu kute loko a hetile ku vulavula loku, a suka Galeliya, a ya kusuhi ni tiko ra Yudiya, entsungeni wa hase wa Yordan;

Kutani mintshungu leyikulu yi n'wi landza; yena a va hanyisa kona...

Vafarisi va ta ka yena, eku n'wi ringa, . . .

⁵⁶ Ndzi yima nyana kwalaho leswaku mi ta kota ku kandziyisisa eka leswi a swi N'wi ringa.

. . . va ku ka yena, Xana munhu wa pfumeleriwa ku tshika nsati wa yena hikokwalaho ka mhaka yihi ni yihi xana?

Kambe yena a va hlamula a ku, Xana a mi hlayanga leswaku la nga va endla eku sunguleni, u endle wanuna ni wansati ntsena,

A engeta a ku, Hikokwalaho munhu u ta siya tata wa yena . . . ni mana wa yena, a namarhela nsati wa yena: lava mbirhi yi tava nyama yin'we ntsena?

Loko swi ri tano a va nga ha tshami va ri vambirhi, kambe va tava nyama yin'we. Hilaha ndzi nge leswi Xikwembu xi swi hlanganiseke, swi ngaka swi nga avanyisiwi hi munhu.

Kutani va ku ka yena, Muxe u lerise ha yini ku nyika wansati epapila ra ku n'wi tshika, ni . . . ku n'wi hlongola?

Kutani A ku ka vona, Muxe u mi pfumelele ku tshika vasati va n'wina hikwalaho ka ku nonohwa ka timbilu ta n'wina: kambe eku sunguleni a swi nga ri tano.

Sweswi, Xikwembu, a xi hi pfune.

⁵⁷ Tsalwa leri, xivutiso lexi, xi tlhotlhile Yesu ka hari emasunguleni ya ministri wa Yena. Xi tlhela xi ntlhotlha Muxe ka hari eku sunguleni ka ministri wa yena. I xivutiso lexi xi rhangaka emahlweni etimbilwini ta vapfumeri. Mudyohi a nga na mhaka. Kambe xi le ka vapfumeri, hikuva mupfumeri u le ku ringetenka ku endla hinkwaswo leswi a switivaka leswaku a nga hanya njhani emahlweni ka Xikwembu. Swingaleswi swi tano, xivutiso xin'wana na xin'wana lexi xi tako ehenhleni ka vukhongeri, kutani nandzu wa *Vukati Ni Ku Thalana* wa ta, (hikokwalaho ka yini?) hikuva i nandzu wa xidyoho xo sungula. Kwalaho hilaha xidyoho xi nga sungula kona. Nakona xexo hi xona xivangelo xa kuva xi ta nkarhi hinkwawo, hikuva ka hari masungulo yan'we ya xidyoho.

⁵⁸ Sweswi a ndzi ngevi na nkarhi wo hlamusela hinkwaswo swilo leswi, kambe ndzi ta tsaka ku hlamula papila ra n'wina kumbe swin'wana leswi ndzi nga ta swikota. Kumbe, hi na tibuku laha swi nga tsariwa kona, ni swivutiso swo tala, kutani hambi kuri ku handzula ka maphepha hungu ni swin'wana kwalahawani, ku khorwisa leswi, ha switiva leswaku a kuri Evha. Apula leri a fanerile ku ri dya, leri hambi swi ri tano a ri ngari ra Matsalwa, sweswi va koxa leswaku a kuri pyere; swi nga ha endleka kuri xin'we xa swona. U endlile vumbhisa, lebyi byi nga tisa n'wana wo

sungula, laha a kuri Kayini, n'wana loyi a nga wa Sathana, hikuva eka yena a kuri ni vubihi. A byi kalanga byi ta hi Abele. N'wana wa Sathana a ri Kayini.

⁵⁹ Ndza xitiva xivutiso xa n'wina sweswi, “Evha u teri, ‘Ndzi kume wanuna loyi a humaka eka Hosi.” Sweswo hi swona hakunene.

⁶⁰ U nga ha teka wansati wo tshehbheka swinene edorobeni, wanuna la a nyanyeke; loko va ri na n'wana, u fanele leswaku a ta a huma eka Hosi, hikuva Xikwembu xi ni milawu leyi xi nga yi veka kun'we. Kutani milawu leyi, tani hi dyambu loko ri fanele ku xa; mi vekela khokholiba eka nsimu ya kahle, yi ta kula. Nakona yo fanelia ku kula, hikuva i nawu wa Xikwembu. Loko mbewu yi byariwile, yi fanele ku mila. Nakona ku hava lexi xi nga na vutomi byo mila handle ka Xikwembu, hikuva byi tirha ehansi eka milawu ya Xona. Swingaleswi loko mbewu leyi biheke yi byariwile eka xivelekelo xa—xa Evha, yi fanele ku mila, hikuva i nawu wa Xikwembu wo tswala. Nakona wu ngaka wu nga endli nchumu xin'wana handle ka ku yi mirisa, nakona wu fanele wu huma eka Xikwembu.

⁶¹ Hi xona xivangelo xa kuva vanhu va ku, “Swihlangi leswi ntsongo,” nkarhi wun’wana, “lava va nga tswariwangiki hi vatsvari va Vakreste, va lahlekile.”

⁶² Ngati ya Yesu Kreste yi rivalerile na n'wana, a ndzi na mhaka ni leswaku u tswarisiwe ku yini ni leswi ma nga bihsa xiswona matswariwele ya yena. Hi Yena Xinyimpfana xa Xikwembu lexi xi susaka vudyoho bya misava. Xihlangi lexintsongo a xi swikoti ku hundzuka, hikuva ku hava leswi xi nga hundzukelaka swona, kutani byebyo a byi ri vudyoho bya misava lebyi byi nga susiwa hi Ngati ya Kreste. Swihlangi swi ya eMatilweni.

⁶³ Hi xona xidyoho xo sungula, kutani xexo hi xona xivangelo xa—xa kuva xivutisiwa. Loko xiendlekalo lexikulu xi ta xi huma eka Xikwembu, hi nchumu wo sungula: “Ku nga humeleta yini hi yukati ni ku thalana xana?” Sweswi, tani hiloko swa hari xisweswo, swa ha ri xivutiso hambi swi ri tano exikarhini ka vanhu. Tani hiloko a swi ri enkarhini wa Yesu, tani hilaha a swi ri enkarhini wa Muxé, swi tano minkarhi hinkwayo, nakona swi tano na namuntlha, xivutiso exikarhini ka vanhu, hikuva vanhu va lava ku tiva leswi swi nga Ntiyiso.

⁶⁴ Kambe laha ku nga na xivutiso, ku fanele kuva kuri na nhlamulo. Kutani sweswi kuva kuri na nhlamulo, tani hilaha ndzi rhangeke ndzi vula, vhiki leri, ku fanele kuva na nhlamulo leyi yi nga yona. Kutani loko hi kuma nhlamulo ya swin'wana na swin'wana, kutani swi—swi va swi ngari kahle, kutani ha switiva leswaku swi hoxekile. Kambe lahayaa xi kona, u nga

ha tshamela ro vutisa ku kondza kuva na nhlamulo ya ntiyiso, loko u lava ku tiva Ntiyiso. Nakona kuva xi ri xivutiso xa Bibele, ku fanele kuva na nhlamulo ya Bibele.

⁶⁵ Swi kotisa loko ndzi teri, loko ndzi tava ndzi lavile kuya evuxeni emixwени lowu; nakona swo antswa leswi ndzi swi tivisaka xiswona leswi, a ndzi fanele ndzi kuma swin'wana ensin'wini, nakona a swi kongomisiwile evuxeni, kutani ndzi yile evuxeni. Un'wana a ku, "Makwerhu Branham, evuxeni hi *hala*." Hi le vuxeni, hi ku famba, kambe hile n'walungu-vuxa. Ndzi ta hundza nchumu walowo a ndzi ri eku wu laveni; ndzi ta tlhela ndzi vuya, hi ku tiva leswaku ku hoxekile. Kutani loko un'wana a ku, "Makwerhu Branham, famba hi ndlela *leyi*, yo ya exineneni xa wena." Sweswi, sweswo i ku famba evuxeni, nakambe, kambe hile zonga-vuxa. Ndzi ta lahlekeriwa hi xibyi lexi a ndzi ri eku xi laveni, hikuva ndzi fambile hi le ndzhaku ka mindzelekano ya laha ku hetisekeke ni ndlela *leyi* yi kongomaka kona.

⁶⁶ Sweswi, loko sweswo swi ri swona, hi ni swikolo swimbirhi swa miehleketo eka *Vukati Ni Ku Thalana*. Kutani hi swona sweswo, xin'we xa swona xi ri, leswaku, "Wanuna a nga ha teka kan'we, handle kaloko nsati wa yena a file." Kutani xexo hi xin'wana xa swivutiso, kambe, loko mi famba mi swi landzelela sweswo, mi famba ehandle ka bodo. Kutani lexin'wana xi ku, "Oho, loko nsati kumbe nuna, ku nga hava kuri un'we, a oswile, hambi ku ngava kuri un'we wa vona a nga hlongoriwa ku ya tekaniwa kun'wana." U ta kumeka u tlule bodo nale ka sweswo.

⁶⁷ Swingaleswi, wa vona, kumbexani kule zonga-vuxa kumbe n'walungu-vuxa; hi lava laha ku kongomaka evuxeni. U ta famba u ngari na Matsalwa loko u famba hi ndlela *leyi*, u ta famba u nga ri na Matsalwa loko u famba hi ndlela ya *leyo*. Hi lava ku tiva laha Matsalwa ya hlanganaka na Matsalwa, nakona ku tiviwa Ntiyiso wa kona. Van'wana va teka ndlela *leyi* hambaneke, kutani va hluleka ku tisa nhlamulo *leyi* yi nga yona, kambe kwalahaya ku fanele kuva kuri na nhlamulo.

⁶⁸ Ntsena swi kotisa, namuntlha, ku ni swikolo swimbirhi leswikulu swa dyondzo ekerekeni; xin'we xa swona i Vu Calvinism, lexin'wana i vu-Armin-... Vu-Arminianism. Xin'we xa swona i xa nawu, lexin'wana i tintswalo. Kutani hi kuma leswaku vanhu lava va pfumelaka eka tintswalo, ma-Calvinists, va ri, "A ku kateke Xikwembu, a swi ndzi vavisi ku zaha. A swi ndzi vavisi kunwa. Ndzi nga ha endla swilo leswi, ndzi ni vuhalayiseki lebyi byi nga Heriki." Kutani hi kuma eka tlhelo lerin'wana, eka ra nawu, ri ku, "Oho, ndzi tsakela ku n'wi rhasela ndzi n'wi hlongola, ndzi lava ku n'wi komba ku wisisa miehleketo ya mina, kambe, ndzi Mukreste, ndzi fanele ndzi tshamiseka." Wa vona, u tikuma u ri eka

mapatu ya mbirhi yo hambana, nakona kumbexana rin'we ra kona ri nga hava ri ri kahle. Sweswi, sweswo swa tika ku swi vula, kambe swi ntiyiso.

⁶⁹ Hi kumeka hi ri eka mapatu ya mbirhi yo hambana; rin'wana ri kongoma tlhelo rin'we ntsena, rin'wana kun'wana. Sweswi a hi voneni leswaku Ntiyiso hi wihi.

⁷⁰ Sweswi yingiselani, nakona hi vona loko leswi swikala swi twala eka n'wina. Xikombiso, loko ndzi ti lulamisela ku ya ndzhandzheni wa malwandle. Nakona ndzi ta teka ndyangu lowu wu nga wa mina. Ndzi ta vitana nsati wa mina a ta eka mina, kutani ndzi ku, "Ha famba-...Ndzi ya endzhandzheni wa malwandle, murhandziwa." Sweswi hi leri tlhelo ra nawu, "Sweswi, nsati wa mina, ndzi ya ku vekela nawu! Loko wo sala u gangisana na wanuna un'wana loko ndzi nga ri kona, loko ndzi vuya u tava u ri wansati loyi a nga tshikiwa. Kutani a ndzi ku lavi u va na vutlhoma mahlo, a ndzi ku lavi u gangisiwa! Wa swi twisia sweswo xana? Hi mina nuna wa wena! Loko wo swi endla, ndzi ta eku ku hlengoleni loko ndzi vuya."

⁷¹ Kutani hiloko a ndzi tshunelela a fika a ndzi khoma hi thayi, kutani a ku, "Wanuna wa mina wa kahle, ndzi lava ku ku byela swin'wana, wa vona, wa vona, loko wo tlhoma mahlo eka wansati un'wana, kumbe u ti humesa ni wansati un'wana, kumbe u gangisana na wansati un'wana, u tava u ri wanuna loyi a tshikiweke loko u vuya." Sweswi, walowo wu tava wu nga ri muti wa ntsako xana? Walowo i xinawu. Hi swona.

⁷² Sweswi, tlhelo lerin'wana i ku, hi leswaku loko ndzi nga ya endzhandzheni wa malwandle ndzi ya endla xihoxo...Ndzi ya emahlweni niku, "Sweswi, languta, ndzi ta ti humesa ni wansati *loyi*. Oho, swi va swi lulamile na nsati wa mina, a nga na mhaka." Nsati wa mina a ku, "Ndzi ta ti humesa ni wanuna *loyi*. Swi va swi lulamile na Bill, a nga na mhaka." Loko ndzi nga ri na mhaka, kutani ku ni leswi swi nga hoxeka eka mina; a ndzi n'wi rhandzi swona wansati ya loye. Kutani loko a nga ri na mhaka, ku ni swin'wana swi nga hoxeka eka yena. Hi yena nsati wa mina; a ndzi swilavi wanuna un'wana a n'wi yuthisa. Hi yena nsati wa *mina*.

⁷³ Sweswi, ndlela leyi nga lulama ya swona, hi leyi, havumbirhi bya ton a byi ni ntuyiso, kambe wu nga ri wona Ntiyiso lowu hetisekeke.

⁷⁴ Sweswi loko ndzi ya endzhandzheni wa malwandle, ku ya swi lulamisa, xindyangwani xa mina xi hlengeletana kun'we, kutani un'wana na un'wana wa hina hi khongela. Kutani ndzi va boha eka Xikwembu, na vona va ndzi boha eka Xikwembu. Kutani loko hi swi endlile, hi ya endzhandzheni wa lwandle, ndzi ya endzhandzheni wa malwandle. Sweswi, ndza swi tiva leswaku wa ndzi rhandza; ndza n'wi tshembha. Nakona ndza n'wi rhandza; na yena wa ndzi tshembha. Ntsena tani hiloko

ndzi n'wi rhandza ku kotisa sweswo, a nga na ku vilela ha mina leswaku ndzi ta famba ni wansati un'wana. Ntsena loko a ha ndzi rhandza kahle, hikokwalaho ka yini, a ku na xilaveko eka mina xa ku kala ndzi ehleketa hi wanuna un'wana loyi a nga fambaka na yena, hikuva i nsati wa mina nakona ndza n'wi pfumela.

⁷⁵ Ndzi pfumela leswaku, loko kahlekahle ndzi nga endla swin'wana swo hoxeka, ndzi endla xihoxo xa kuva ndzi ti humesa ni wansati un'wana, ndzi thlела ndzi vuya ndzi ta tisola eka yena, kutani ndzi n'wi byela leswaku, "Meda, a ndzi nga ti byelanga ku swi endla. Ntsena ndzi lo kumeka ndzi phasiwile hi xithlhaka; wansati loyi ntsena u lo ndzi tsutsumela a fika a—a ndzi khoma hi voko, kutani a sungula *leswi-na-leswi*," ndza pfumela leswaku u ta swi twisia. Ndzi pfumela leswaku u ta ndzi rivalela eka sweswo. Kambe ndzi ngaka ndzi nga swi endli, a swi nchumu, hikuva ndza n'wi rhandza. Hambi leswi a nga ta ndzi rivalela, ndzi ngaka ndzi nga swi endli. A ndzi lavi ku n'wi vavisa, eka leswi nga riki nchumu. Hambi loko ndzi switiva leswaku u ta ndzi rivalela, a ndzi swilavi ku n'wi vavisa.

⁷⁶ Kutani yaleyo hi yona ndlela leyi swi nga xiswona na Xikwembu. Loko ndzi...loko rirhandzu ra *fileyo*, laha ku nga rirhandzu ra ximunhu, rirhandzu ra xinakulobye, ri nga endla leswaku wanuna a ti twisa xisweswo hi nsati wa yena; ku nga humeleta yini hi rirhandzu ra *agapawo*, nhlamuselo ya rito ra Xigiriki "rirhandzu ro rhandza Xikwembu," xana sweswo swi nga ndzi endla ndzi endla yini hi Yesu Kreste xana? Mina, ntsena loko ndzi lava kuya eka rona, ri le mbilwini ya mina ku swi endla! Hambi...Ndzi ri, ntsena tani hiloko ri ri embilwini ya mina ku swi endla, ndza ya ndzi ya ri endla. Nawu wu ngaka wu nga ndzi pfumeleli leswaku ndzi swi endla, swi hikokwalaho ka kuva ndzi swi tiva leswaku ndzi ta xupuriwa hi ku endla tano. Kambe Ntiyiso wa rona i ku, hiloko rirhandzu ra Xikwembu ri nghena embilwini ya wena ku fikela laha u *swilavaka* u Ri endla. Walowo hi wona Ntiyiso wa rona. Kwalaho hi swona swikolo swimbirhi. Ku ngari xo pfumelela hi nawu kumbe swin'wana, kumbe vuCalvinism, swi ha vumbirhi.

⁷⁷ Sweswi hi kuma leswaku namuntlha, nakambe, kuni tidinominexini to tala to hambanana. Lahaya ku ni kereke ya Khatholiki, kereke ya Protestant. Yin'wana na yin'wana ya tona yi ri hi yona Ndlela, wa vona, "Hi ni Ndlela, hi hina Ntiyiso." Lahaya ku ni Methodist, va ri, "Hi ni Ntiyiso." Baptist yi ku, "Hi ni Ntiyiso."

⁷⁸ Kunene, eka mina, ntsena tani hiloko va titwisa xisweswo, a swi tano, hikuva Yesu u teri, "Hi Mina Ntiyiso." Wa vona?

⁷⁹ Swingaleswi, tani hilaha nchumayelo wa mina wa madyambu ya tolo a wu ku, leswaku hi Yena ndhawu leyi

Xikwembu xi nga akisa kona Vito ra Xona, ndhawu yi ri yoxe yo gandzela eka yona. A wu Mukreste hikokwalaho ka kuva u ri Muprotestant. A wu Mukreste hikokwalaho ka kuva u ri Mukhatholiki. A wu Mukreste hikokwalaho ka kuva u ri Mumethodist, Baptist, kumbe Pentekostal. U Mukreste hikokwalaho ka kuva u khuvuriwile eka Yesu Kreste, hi Moya wo Kwetsima, ku nga ri hi mati. “Ku ni Ripfumelo rin’we; Hosi yin’we; nkhuvulo wun’we,” walowo i nkhuvulo wa Moya wo Kwetsima. Nkhuvulo wa mati wu mi tivisa eka xinakulobye. Nkhuvulo wa Moya wo Kwetsima wu mi tivisa eka Kreste. Wu kwalaho Ntiyiso.

⁸⁰ Nakambe hi ni miehleketo yimbirhi ya *Vukati Ni Ku Thalana* loku. Sweswi, leswaku, Hosi ya hina yi pfurile xihundla xa Swilemo Swa Nkombo swa Rito ra Yona eka hina, eka masiku lawa yo hetelela. Sweswi, votala va n’wina, leswi swi nga hava swi ri Xigiriki eka n’wina, kambe kereke ya mina ya swi twisisa. Hi yini xana? Kutani mi twile hi swivono ni leswi swi humelelaka. Kutani xivutiso i xivutiso xa Bibele, hi rhambiwile lahawani ku ta pfumela leswaku ku fanele kuva ni nhlamulo ya ntiiyiso eka xihundla hinkwaxo lexi xi fihliweke lexi xi nga fihliwa kusukela eka masungulo ya misava. Nakona Bibele yi profetile yi tlhela yi vula leswaku eka siku leri swihundla leswi swi ta endliya leswaku swi tiveka. Nhlavutelo 10, “Kutani loko ntsumi ya vunkombo yi ta yimba nanga, murhumiya wa Laodekiya, swihundla swa Xikwembu swi ta tivisiwa.” Kutani leyi i nguva yo hetelela, laha yi nga Laodekiya.

⁸¹ Langutani eka hinkwato timpfuxelelo leti hilaha ti nga famba hakona kuringana khume ntlhanu wa malembe kumbe kutlula, kutani a hi dinominexini yin’we leyi yi humaka eka wona. Luther u vile ni mpfuxelelo, kwalahaya wu vuye wu va dinominexini; Wesley, kwalahaya wu vuye wu va dinominexini; Alexander Campbell, kwalahaya wu vuye wu va dinominexini; hinkwato letin’wana letikulu... John Smith ni kuya emahlweni, i tidinominexini, Moody, hinkwavo va fambe swin’we. Kambe lahawani a kuri ni un’we... Hi ntoloveloo mpfuxelelo wu tshama kwalomu ka malembe manharhu. Kambe lowu wu le ku fambeni kutlula khume ntlhanu wa malembe, kutani ku hava na dinominexini na yin’we leyi yi nga tlulela ehenhla eka wona, hikuva lowu i nkarhi wa Mbewu. A ka ha ri na xikhamba; endzhaku kaloko xikhamba xin’we xi fambile, ku sala Mbewu.

⁸² Xikwembu xi tilulamiserile, loko Xi nga ri eku swi endleni sweswi, Xi ya eku vitaneni ka Kereke ku ya ekuhetisekeni hi Rito ra Xona, Yesu Kreste. Xiyisisani, ku fanele kuva na nhlamulo kun’wana, kutani kuva Yona, xihundla xa vunkombo lexi lemeriweke xa Xikwembu, Swilemo Swa Nkombo.

⁸³ I vangani va swi twisisaka sweswo, yimisani mavoko ya n'wina. A hi voneni. Ndzi ehleketa leswaku votala va vona i nhlengeletano ya hina leyi yi kumekaka kwala kusuhi, Yingiselani. Loko swi nga ri tano, tibuku ti ta humesiwa ku nga ri khale, ehenhleni ka nhloko-mhaka. Hi ni tibuku, tin'wana eka Rona sweswi.

⁸⁴ Yesu, eka tsalwa ra hina, wa hi rhamba leswaku hi tlhelela endzhaku ekusunguleni, ku kuma nhlamulo ya ntiyiso ya Matsalwa.

⁸⁵ Sweswi, loko Yena a hi tshunelela ni leswi, ku ni swilo swimbirhi leswi swi vonakaka. Vaprista vateri eka Yena, "Xana wanuna wa pfumeleriwa ku hlongola nsati wa yena, a teka un'wana, hikwalaho ka mhaka yihi na yihi xana?"

Kutani Yesu u teri, "A swi nga ri tano emasunguleni."

Swingaleswi va ku, "Muxe u hi pfumelele ku tshika nsati, ni ku n'wi hlongola hikokwalaho ka swin'wana na swin'wana leswi va swilavisaka xiswona."

⁸⁶ A ku, "Sweswo, Muxe u endle sweswo hikokwalaho," ndzi tshika sweswo swi pfuma nyana, "hikokwalaho ka ku nonohwa ka timbilu ta n'wina; kambe kusukela, kumbe ekusunguleni a swi nga ri tano." Xivutiso!

⁸⁷ Xivutiso namuntlha, tani hi xa ku rhula ka misava, "Xi ta hi tipolotiki, nhlango wa matiko, ku hlanganyela?" Ndzi ri eka n'wina, ee. Wa hluleka minkarhi hinkwayo, nakambe wa ha ta hluleka. Kambe lahaya ku ni nhlamulo ya ntuyiso ya xivutiso, "Xana ku tava na kurhula ehenhleni ka misava xana?" Ina, loko vudyoho byi ta suka byi susiwa emisaveni, ku tava ni ku rhula. Kambe ku fikela nkarhi walowo, a ku nge hevi na kurhula; "tiko ri ta pfukela tiko rin'wana, ni mfumo wu ta lwisana ni mfumo wun'wana." Xikwembu xi nyikile murhi wa vudyoho. Yingiselani swinene sweswi. Xikwembu xi nyikile murhi wo susa vudyoho emisaveni byi suka, kambe vanhu va misava a va wu amukeli murhi wa Xikwembu.

⁸⁸ Xikwembu xi hi nyikile murhi ni ndlela yo teka vasati va hina niku hanya na vona, kambe vanhu a va wu amukeli murhi wa Xikwembu, a va ri amukeli Rito ra Xona eka wona. Yesu u swi vurile leswi. Kutani leswi swi hi tsundzuta hi-hi Marito ya Yena, hi ku tiva leswi A nge teri, "Matilo ni misava swi ta tsandzeka, swi ta hundza, kambe marito ya Mina a ma nge hundzi."

⁸⁹ Xivutiso, nhlamulo ya ntuyiso leyi Yesu a hi lavaka leswaku hi tlhelela eka yona, i kuva hi tlhelela emasunguleni. Swingaleswi, sweswo swi tava swi ri eka Genesa, hikuva rito Genesa i ndzimana ya mbewu eka xivutiso xin'wana ni xin'wana eBibeleni. Kutani minkarhi hinkwayo mi fanele ku tlhelela endzhaku eka mbewu ku ya vona leswaku i muxaka

muni wa mbewu leyi yi nga ensin'wini, ku ya vona leswaku kutava kuri swibyariwa swihi. Sweswi, i mbewu ya muxaka wihi leyi yi nga byariwa? Genesa, loko hi ri ndzimana ya mbewu, hi ta tlhelela endzhaku eka Genesa. Yesu wa hi tivisa eka Matsalwa ya lawa, "emasunguleni." Sweswi, tsundzukani, kwalaho hilaha nkarhi wu sunguleke ku sungula. Ku nga se fika sweswi, i ya hilaha ku nga Heriki. Sweswi, xivutiso xa hina lahaya a kuri xona, xiyisisani, loko hi tlhelela endzhaku emasunguleni.

⁹⁰ Sweswi mi nga swi hlulekisi leswi! Kutani xexo hi xona xivangelo xa kuva ndzi lava ku vulavula hi ku nonoka, swingaleswi swi tano nile ka vanhu lava va nga ehandle eka tiwayere, ni leswaku thepi yi kota ku swivula kahle swi basile.

⁹¹ Loko Yesu a teri, "Tlhelelani endzhaku ekusunguleni," a kuri ni phere yin'we ntsena ya xin'wana na xin'wana emisaveni. A kuri ni Adam un'we, Evha un'we, a va hlanganisiwile hi Xikwembu xi ri xoxe. Hanci yin'we ya xisati, yin'we ya xinuna; hokwe yin'we ya xisati, yin'we ya xinuna. "Emasunguleni," tani hilaha A hi byeleteku tlhelela endzhaku, a kuri ni phere yin'we ntsena ya swin'wana na swin'wana. A hi ntiyiso xana? [Nhlengeletano yi ku, "Amen."—Muhleri.] Swingaleswi, hi kuma leswaku swin'wana na swin'wana "emasunguleni" a swi famba hi odara leyi yi hetisekeke ni ku twanana na Xikwembu, a kuri hava lexi a xi ri ehandle ka swakudya leswi a swi nyikiwa.

⁹² Xin'wana na xin'wana lexi xi nga etilweni xa hari eka ntshamiseko; tinyeleti hinkwato, tigalakisi, maendlelo ya tisola, hinkwaswo swi tshamisekile hi ntshamiseko. Loko yin'we ya tona yo suka, yi ta onha nonganoko hinkwawo.

⁹³ Sweswi yingiselani. Ma swi vona xana? Ku onha ka yin'we ku poyila nonganoko hinkwawo! Sweswi, loko swivumbiwa swa ximunhu swi ri eku fambeni hi minkarhi hinkwayo na Xikwembu, ni wanuna un'we ni wansati un'we, wansati loyi i dyohile nakona swi hoxile nonganoko hinkwawo wa misava wu huma eka kuya emahlweni na Xikwembu. Swingaleswi, ku engetela rito rin'we eka Buku leyi, kumbe ku susa Rito rin'we eka Yona; swi hoxa Mukreste ehandle ka kuva a nga hayi emahlweni na Xikwembu, swi hoxa kereke ehandle yi nga hayi emahlweni na Xikwembu, swi hoxa ndyangu ehandle ka kuva wu ya emahlweni na Xikwembu. Mupfumeri un'wana na un'wana a nga ha hlongoriwa, hi kuva a nga amukeli Rito rin'wana na rin'wana ra Xikwembu.

⁹⁴ Swingaleswi, a kuri wansati loyi a nga vanga ku avana ka ndyangu lowu wo rhandzeka. A hi ti Kerubimi leti ti nga nyangatsa misava. A hi Adamu loyi a nga cukumeta ndyangu. A hi nchumu swin'wana leswi swi nga cukumeta ndyangu, niku cukumeta nchumu hinkwawo wu huma eka kuya

emahlweni, kambe i wansati, Evha. Nakona swi kwalahawani leswaku "masungulo," lawa Yesu a vulavuleke ha wona, ya tshoviwile. Yesu u teri, "Emasungulen, Xikwembu xi endlile xa xinuna xin'we, xa xisati xin'we, hi muxaka wa swona." Kutani sweswi loko wansati loyi...ku nga ri hanci ya xisati, ku nga ri mbyana ya xisati; kambe wansati, u tshovile kuya emahlweni ka khale ka matirhelo ya Xikwembu emisaveni, a hoxa hinkwaswo eka rifu. Wansati, ku ngari wanuna, u tshovile ntwanano. U tshovile ntwanano, hikuva (hikokwalaho ka yini xana?) u tlule mindzelekano ya Rito ra Xikwembu. Sweswi, loko a tava a tshovile ntwanano wa yena na nuna wa yena, u tshovile ntwanano na Xikwembu; swingaleswi, hikokwalaho ka kuva a tshovile ntwanano na Xikwembu, u tshovile na wanuna wa yena.

⁹⁵ Kutani loko u tshova xitshembhiso xa wena ni ntwanano wa Rito ra Xikwembu, sweswo hi leswi swi vangelaka swirho swotala leswi swi nga hungukiwa swa kereke, hikuva ntlawa wa vavanuna va kumeka va va kun'we va tlhela va ku, "Kunene, a Ri vuli swona *sweswo*," kutani swi hoxa nhlangano hinkwawo kuva wu cukumetiwa eka kuya emahlweni na Rito. "A hi swipfumeli Sweswo. Dokodela Jones u teri a Ri nga vuli swona." Kambe tani hiloko Xikwembu xi Ri vurise xiswona, U teri, "rito rin'wana na rin'wana ra munhu a rive vunwa, kutani ra Mina riva Ntiyiso!" Kwalahaya swi tshovile kuya emahlweni.

⁹⁶ Sweswi ha swivona, tani hiloko kuya emahlweni ku tshovekile, swingaleswi ntila wa Vutomi wu tshovekile, hambi kuri ntila wa nkarhi wu tshovekile, ntwanano wu tshovekile, hinkwaswo swi tshovelelekile! I ncini swi nga swi vanga xana? Wansati. Sweswo hi leswi swi nga tshova ntwanano. Sweswi, loko u lava ku swi hlaya sweswi, u nga ha swi hlaya, Genesa 3.

⁹⁷ Sweswi, hiloko wanuna a endlili mufumi wa wansati, hi Rito ra Xikwembu. A ngaka a nga ha pfuki a ringanile na yena. A ringana na ntumbuluko, ma swi tiva; kambe, loko a tava a tshovile Rito ra Xikwembu, Xikwembu xi endlile wanuna leswaku a va loyi a n'wi fumaka. Genesa 3:16, loko mi lava ku yi tsala. A nga ha pfukanga a ringana na wanuna. A ri mutshovi wa Rito ra Xikwembu.

⁹⁸ A mi swi voni, "wansati," wansati, kereke ya leyi yi nga kwala? Mutshovi wa Rito ra Xikwembu, sweswo swi n'wi cukumetele makumu eka kuya emahlweni. Kutani sweswo hi leswi kereke yi nga swi endla, kutani yi cukumetele rifu ra ximoya ehenhleni ka nchumu hinkwawo. Sweswi mi ta swi twisia leswaku hikokwalaho ka yini ndzi himetela eka swilo leswi tani hilaha ndzi endlaka ha kona. Swi Ntiyiso! Leti i timhaka ta Bibele.

⁹⁹ Xiyisisani, hikokwalaho ka yini a endla swo fana ni leswi; swi nga endlekisa ku yini eka yaloye wo rhandzeka, wo xonga, wansati wo hetiseka?

¹⁰⁰ Ndzi vonile xifaniso nkarhi wun'wana, ndzi pfumela leswaku a xi ri eGreece, xa mupfapfarhuti loyi a nga penda xifaniso xa Evha. A ri nchumu lowu a wu languteka wu chavisa swinene lowu wo ka u nga se tshamaka u wu vona. Sweswo swi kombisa miehleketo ya xinyama laha yi nga langutaka. Kambe, a nga ri tano; a xongile, hikuva a ri wansati loyi a hetisekeke, eka vavasati hinkwavo.

¹⁰¹ Xiyisisani, hikokwalaho ka yini a endla swo kotisa sweswo, a ri eka ntshamiseko walowo wa le henhla xana? A ri kahle eka wanuna, a ringana na yena. Kambe hinkwerhu ha switiva leswaku u lahlile ku ringana ka yena na wanuna, loko a tava a dyohile, kutani Xikwembu xi ku, "Wanuna u tava mufumi wa wena kusukela sweswi." Sweswi, yalawa i Matsalwa. Loko mi ya lava, hi nga ha mahlaya.

¹⁰² Ndzi mi nyika Matsalwa, swingaleswi swi hlaysia nkarhi wa ku khwekela loku lokukulu ku rhendzeleka hi tiko, leswaku mi nga ha ti hlayela n'wina hi n'wexe.

¹⁰³ Xiyisisani xivangelo xa kuva a swi endlile sweswo. Xana Sathana u nghene njhani eka yena?

¹⁰⁴ Maswitiva leswaku Sathana a ringana na Xikwembu siku rin'wana? Hakunene a ri tano, hinkwaswo handle ka kuva mutumbuluxi; a ri hinkwaswo, a yima evokweni ra xinene ra Xikwembu, eMatilweni, murhangeri lokulu wa Tikerubimi.

¹⁰⁵ Xiyisisani xivangelo xa kuva a swi endlile leswi, a nga ri kona eka ntumbuluko wo sungula. Wansati a nga ri kona eka ntumbuluko wa Xikwembu; o va loyi a humesiweke kun'wana. Swingaleswi, "ekusunguleni," tani hilaha Yesu a nga kongomisa kona, a nga ri xivumbiwa xo sungula lexi nga tumbuluxiwa hi Xikwembu. A ri loyi a humaka eka wanuna, loko Yesu a ta kongomisa "emasunguleni."

¹⁰⁶ Tsundzukani, Adam a ri havumbirhi xinuna ni xisati, eka ntumbuluko wo sungula, un'we, kambe u aviwile hi rimbambu.

¹⁰⁷ Xiyisisani, kambe loyi a humesiweke kun'wana, nakona, xiyisisani, nchumu lowu wu nga wun'we ntsena eka hinkwawo ntumbuluko wa Xikwembu, wa xiharhi xin'wana na xin'wana ni swin'wana, o va yexe loyi a nga endliliwa hi ndlela ley. Hinkwaswo swa xisati leswin'wana a swi ri eka ntumbuluko wo sungula. Hinkwaswo swa xisati leswin'wana a swi ri eka ntumbuluko wo sungula, kambe Evha a nga ri eka ntumbuluko wo sungula. Wa vona, sweswo a swi fanele ku endliliwa hi ndlela yaleyo. Hi ta nghena eka swona ku nga ri khale. Xiyisisani, eka

ntumbuluko lowu a ri eka wona, ku nga ri eka wo sungula, kambe loyi a humesiweke kun'wana. Kutani eka ntumbuluko lowu, ku ni . . .

¹⁰⁸ Sweswi a ndzi kali ndzi lava ku mi vavisa, kambe ndzi lava ku mi byela Ntiyiso. Kutani ntsena tshamisekani; mi endla swa kahle.

¹⁰⁹ Ku hava lexi xi nga kunguhateriwela ku xisa, tani hi wansati loyi a xiseke. Ku ngaka ku ngavi na nchumu wun'wana; ku hava lexi xi nga endleriwela kuva hi ndlela yaleyo.

¹¹⁰ Nakambe, ku hava nchumu lexi xi nga xisekaka hi ku olova tani hi wansati. Sweswi, ku wa ku khorwisa xitatimente lexi leswaku xi ntiyiso, ku wa ekusunguleni.

¹¹¹ A nga ri kona eka ntumbuluko wo sungula emasunguleni. A ri eka Adam, kambe ku nga ri eka rimbewu ra xisati, yena hi yexe, emasunguleni. A ri loyi a endliweke a huma kun'wana.

¹¹² Sweswi, ku hava xin'wana lexi xi nga kunguhatiwa lexi xi nga xisaka, niku xisiwa, hi ku olova tani hi wansati. Ku hava nchumu lowu wu nga kunguhatiwa kumbe wu nga korhamelaka swinene kukotisa wansati a swi endlaka. Ehleketani sweswi. Ku hava lexi xi nga kunguhatiwa, eka ntumbuluko hinkwawo, lexi xi nga korhamelaka swinene tani hilaha wansati a swi endlaka. A nga ha handzula mbilu ya wanuna yi va swiphemu swimbirhi hi ku olova kutlula swin'wana na swin'wana leswi swi nga emisaveni, i nsati wa yena. Pfumelela nsati ya loye lontsongo wo saseka a tsutsuma ni wanuna un'wana; languta eka nakulorhi yaloye a nga tshama lahaya ni vana va yena, mihloti yile ku xiririkeni emahlweni ya yena. U kunguhatiwile hi ndlela yaleyo. U kunguhatiwile ku endla leswi. A hi nguluve, a hi mbyana, kumbe kuri hava swiharhi swin'wana, swi nga kunguhatiwa kukotisa yena kumbe swi nga korhamelaka swinene tani hi yena. Sweswi, walowo i ntiyiso.

Hi kuya hi vasesi va mina, ntsena ndzi mi lava mi langutissa.

¹¹³ Ku hava xiharhi lexi nga ni vugangu. Mi vitana mbyana kuri i "nkati," mbyana ya xisati, mi vitana ya xinuna . . . honci kuri i "matsune," kambe vugangu bya yona byile kule ku ringana miliyon i wa timayile ku landza switlangi swa ndhuma swa Hollywood. Sweswo hi swona a nga ehansi hakona hi ku korhamela. A nge swikoti ku . . . Ntsena ehleketani ha leswi sweswi. Ku hava nchumu emisaveni, leswi swi nga endliwa hi ntumbuluko wa Xikwembu, leswi swi nga swa vugangu, swi nga korhamelaka ehansi swinene.

¹¹⁴ Mi ri, "Yimani nyana, 'vavanuna'!" Hi ta nghena eka sweswo. Wansati u fanele kuvula leswaku "ina."

¹¹⁵ Xiyisisani, ku hava nchumu lowu wu nga kunguhatiwela ku korhamela swinene, kumbe ku thyaka, handle ka wansati. Mbyana yi ngaka yi nga swi endli, honci yi ngaka yi nga swi endli, xinyenyana xi ngaka xi nga swi endli. Ku hava xiharhi lexi xi nga na vugangu, kumbe lexi xi nga tava na byona, hikuva a xi kunguhateriwanga kuva na byona. Honci ya xisati yi ngaka yi ngavi na vugangu, mbyana ya xisati yi ngaka yi ngavi na vugangu, xinyenyana xa xisati xi ngaka xi ngavi na vugangu. Wansati hi yena a ri yexe loyi a nga byi endlaka.

¹¹⁶ Sweswi ma ku vona laha Sathana ayaka kona xana? Wa vona? Kambe hambi swi ri tano wansati u na byona, hi yena loyi a nga na matimba yo vula ku “ina” kumbe “ee.” Wa vona, swi ri karhi swiya hi ku hikwihi laha yena n’winyi a lavaka ku khomelela kona. Wa vona? Sweswi lahawani hi nga ha yi vona erivaleni mbewu ya nyoka, loko yi ta nghena. Ko va na ndhawu yin’we ntsena laha a nga yaka kona. Loko sweswo swi nga swi beleli ehansi, un’wana u bofu. Wa vona? Wa vona, yi fanele kuya eka yena.

¹¹⁷ Xiyisisani, xivangelo xa kuva swiharhi swi nga swi endli, xiharhi xa xisati, hikuva a swi ri eka ntumbuluko wo sungula. Kambe wansati a nga ri eka ntumbuluko walowo wo sungula. Sweswi hi ta tlhelela endzhaku hi ya cela leswi, kutani ni mitisa eka siku ra ximanguvu lawa, eka Testamente.

¹¹⁸ U kunguhatiwile, a ri yexe, ethyakeni ni kuva a hanya vutomi lebyi nga basangiki. Mbyana a yi nge swikoti, nakona kuhava xin’wana xa xisati xi nga swi endlaka. Kova ntsena wansati loyi a nga swi endlaka. Mbyana kumbe swiharhi swin’wana ni swin’wana, kan’we hi lembe, nakona sweswo i swa kuva xi va na vana va xona; ku ngari ku tsakela timhaka ta masangu, kambe leswaku xi va na vana va xona. Honci ya khale ya matsune, mbyana ya khale ya nkati, kan’we hi lembe, xinkadyana xin’we, sweswo u endlela leswaku a va ni vana va yena. Kambe wansati u kunguhateriwele nkarhi wun’wana na wun’wana loko a swi tsakela. Ndzi na mhaka yin’wana yi nga jika lahawani sweswi; mi nga ha swi anakanya leswin’wana hinkwaswo. Mbyana a yi nge swikoti; wansati wa swikota. Ndzi tshembha leswaku Moya wo Kwetsima wa mi paluxela hinkwaswo ka swona leswi ndzi nga swi tsemekanya lahawani.

¹¹⁹ O va rixaka ra yena a ri yexe ntsena, rixaka ra xisati, leri ri nga akiwa ri saseke ngopfu kutlula ra xinuna. Ku hava rin’wana rixaka exikarhini ka swin’wana. Swivumbiwa hinkwaswo leswin’wana swa Xikwembu i swa xinuna leswi swi nga saseka, leswi swi kotisaka swiharhi, swinyenyana, ni ku ya emahlweni, minkarhi hinkwayo swa xinuna swi sasekile.

¹²⁰ Langutani mhalamhala leyikulu ya ndhakazi, timhondzo letikulu ta kahle, rixaka ra kahle; ni leyi ntsongo, yo titsongahata ya xisati. Langutani eka nkuku lowukulu ni

tisiva hinkwato ta yena leto saseka; ni lowuntsongo, mbahaha wa buraweni. Langutani swinyenyana, xa xinuna na xa xisati. Hikokwalaho ka yini, hikokwalaho ka yini sweswo swi ri xisweswo, eka ntumbuluko hinkwawo wa Xikwembu xana? Xivumbiwa xin'wana na xin'wana, xa xinuna hi xona xo saseka ngopfu. Exikarhi ka nyimpfu, exikarhi ka—ka tihonci, exikarhi ka tihanci, exikarhini ka swin'wana na swin'wana, minkarhi hinkwayo hi leswikulu swa xinuna leswi swi nga saseka, nale ka swinyenyana.

¹²¹ Kambe eka rixaka ra ximunhu, i wansati loyi a nga saseka, ku nga ri wanuna; loko kuri yena, ku ni swin'wana swi nga hoxeka, ku ni mbewu leyi yi nga tsemekanya kun'wana. Hi xiviri swi hi ndlela ya leyo. Hikokwalaho ka yini, hikokwalaho ka yini swi endlekile? Ku ta kanganyisa. Mukunguhati wa yena, Sathana, wa ha tirha eka yena, na sweswi, eka masiku lawa yo hetelela.

¹²² Mi nge ndzi yima lahwani ntsena xinkadyana. “Ku saseka!” Xana maswitiva, leswaku eka ku nonohweriwa ko sungula, matiko hinkwawo, ya misava hinkwayo, kumbe misava hinkwayo, a kuri hikwalaho ka ku saseka ka vavasati xana? “Loko vana va Xikwembu va ta vona vanhwenyana va vnuh leswaku va sasekile, va ti tekela eka vona vavasati.” A hi swona sweswo xana?

¹²³ Mi kale mi ku xiyisia ku engeteleka ka ku saseka ka vavasati eka siku leri? Ndzi vonile xifaniso xa Pearl O’Brien, loyi a fanele a ri wansati wo saseka ngopfu etikweni, hi nkarhi wun’we. Ku hava nhwenyana wa thugamama eka xikolo lexi handle ka kuva ku kombisiwa yena, loko swi ta eka ku saseka.

¹²⁴ Ku engeteleleka ka ku saseka ka vavasati ku kombisa nkarhi wa ku hambukisa. Loko kereke yi tava yi swi endlile kuva yi languteka yi saseke ngopfu tani hilaha yi swi endlaka namunthla? Xin'wana na xin'wana xi langutele swa kahle, miako leyikulu ya kahle, ni timiliyon ta *leswi* ni timiliyon ta *sweswo*. A mi swivoni, “wansati,” muhambukisi!

¹²⁵ Sweswi, ku hava lexi xi nga korhamelaka ku kotisa yena, nakona u kunguhatisiwe xisweswo leswaku a nga hava muhambukisi. Kutani Sathana hakunene u le ku tirheni ha yena namunthla, eka masiku lawa yo hetelela, hikuva hi yena mukunguhatiwa wa yena. Ndzi nga ha mikhorwisa ha sweswo sweswi. Hi ku tlhelela endzhaku emasunguleni, i mani a nga sungula ku tirha eka yena, Adam kumbe Sathana, Xikwembu kumbe Sathana xana? Wa vona, yaloye hi yena mukunguhatiwa wa yena. I tlharhi ra yena lerikulu ro hoxa wanuna eka thyaka ra yena, kuva a ri wansati wo saseka, a nga ha hundzuluxela wanuna hi ndlela yin'wana na yin'wana leyi a yi lavisaka xiswona. Makwerhu, a hi xilovekelo lexi xi nga joyina lahwani lexi xi kumaka wanuna; i wansati wo saseka

loyi a fambaka exitarateni, a ri karhi a sohasoha, a ambarile hafu. Sweswo hi swona swi tekaka...Hi yena muxisi loyi a nga lahay. Nakona u fele eka byona, ku fa hi ku hetiseka. Mi nga ha ndzi vutisa hi Sathana kuva a ri mukunguhati wa yena, kambe walowo i Ntiyiso. Sathana u n'wi kunguhatile. Wa ha swi endla ni sweswi.

¹²⁶ Mi nge ndzi mi komba swin'wana eMatsalweni. Ndzi fanele ndzi mi tlherisela endzhaku eMatsalweni, kutani mi tshuneta mavonele ya n'wina tani hiloko mi swi languta namuntlha.

¹²⁷ Sathana hi un'wana loyi a nga vumba muxaka walowo wo saseka. Loko hi nga swi xiysisa, hi yena loyi a nga saseka ngopfu kutlula Tintsumi hinkwato ta Tilo. A hi swona xana? Nakona u naverile ku aka Tilo leri ri nga ndhawu yo saseka swinene kutlula mfumo wa Michael. A hi swona xana? Nakambe, ku komba leswaku Kayini a ri n'wana wa yena, u nyikerile hi gandzelo ro saseka swinene, a khavisile na altari ya yena hi mihandzu ni swiluva, ni kuya emahlweni. A hi swona xana? Ku saseka! Xidyoho xi sasekile, leswi hi swivitanaka ku saseka namuntlha. Nakona xidyoho xa hambukisa, hi ku saseka. A wu nge swikoti ku languta wansati loyi a ti fambelaka hi xitarata u vula leswi nga embilwini ya yena. Wa vona? Kambe ndzi lava ku vula swilo leswi leswaku mi ta vona leswaku hikokwalaho ka yini Sathana a ri mukunguhati wa yena. Sweswo hi swona hakunene, n'wana loyi a nga wa yena wa swi khorwisa, Kayini. Sweswi, u saseke swinene leswaku a nga ha hambukisa.

¹²⁸ Misava yi sasekile leswaku yi nga ha hambukisa. Ndzi vula *kosmos*, xileriso xa misava hinkwayo. Yi sasekile ku fikela laha yi nga hambukissaka, tindzhawu ta kahle to saseka ti tlhela ti tshamiseka.

¹²⁹ Ma n'wi tsundzuka muprefeta, Amos, loko a ta ta a ta languta doroba, kutani a ri vona ri languteka tani hi Hollywood ya ximanguva lawa, swimahlwani swa yena swi nyanya kuva leswintsongo, swi ri ka misisi ya leyo ya timpfi leyi a yi nembelela exikandzeni xa yena. Kutani u fambile lahaya ni Hungu, kutani a Ri bulusela endhawini yaleyo. A ku, "Xikwembu xexiya mikoxaka ku xi tirhela, xi ta mi hlasela!" Hi swona sweswo.

¹³⁰ Xidyoho xi sasekile. Va fananisile Yudasi tani hi xin'wana xa xidakwa xa khale ehandle lahawani exitarateni kun'wana, ni nomu lowu a wu ri ni tinhongana eka wona, ni kuya emahlweni, tani hi Yudasi. Yudasi a ri ni malwandla, a tiyile, muxisi. A hi munhu yaloye a nga ta mi languta a jika na n'wina, a hi munhu loyi (n'wa mapurasi wa khale) a nghenaka a ambarile perhe ya tihovhorolo, ku ta languta nsati wa wena; i murheti yaloye, i xikelema.

¹³¹ Xidyoho xi sasekile eka mahlo ya misava, kambe Xikwembu a xi vumbiwanga eka muxaka walowo wa masasekelo. A mi switiva sweswo xana? Xikwembu xi vumbiwe eka vumunhu, vumunhu byo saseka.

¹³² EBibeleni, Esaya 53, loko mi lava ku ya tsala ehansi Matsalwa. Yi ni layini ya Matsalwa ya nga tsariwa etlhelo lahawani ya swona. Esaya 53, Bibele yi vulavula hi Hosi ya hina Yesu, leswaku, “Ku hava ku saseka loku hi nga ku navelaka eka Yena. Kutani ha tumbeta tani hi swikandza swa hina eka Yena.” A hi swona xana? A hi N’wi tsakeli, hikuva A nga sasekanga. Nkarhi wun’wana U nakulorhi lontsongo, wa makatla yo korhama, loyi a langutekaka a nga ri kahle, nakona A nga amukeleki tani hi murhangeri. A nga languteki kukotisa murhangeri. U vulavula hi mavulavulelo lawa ya nga tololeleka ya le xitarateni, ni kuya emahlweni, tani hilaha vanhu va swi endlaka, vanhu va ntolovel, swingaleswi A nga langutekisi tani hiloko A ri un’wana wa xikolo xa kahle, la nga dyondzek, wa kahle, la nga ambala kahle, ni hinkwaswo. A ri ntseña Wanuna wa ntolovel. “A kuri hava ku saseka ka Yena, loku hi nga ku tsakelaka eka Yena.” A nghena evanhwini a tlhela a huma, a famba na vona, a va switivanga hambi kuri ku switiva leswaku A ri Mani. A nga languteki kukotisa xikwembu nyana lexi a xi longoloka na vona, hilaha a hi ehleketa hakona leswaku a ri xikwembu nyana. Kambe, swa fana, A ri xona!

¹³³ Mikale mi swixiyisisa loko Hosi Xikwembu xi teri eka—eka Samuel, “Famba ehenhla endlwini ya Yesse u ya tota un’we wa majaha ya yena, hosi, ku teka ndhawu ya Saul”?

¹³⁴ Sweswi, vanhu va hlawule Saul, loko Samuel hakunene a va byerile leswaku va nga swi endl. U teri, “Xikwembu a xi mi lavi mi va na hosi; hi Xona Hosi ya n’wina.” Kutani a ku, “Ndzi tshame ndzi vula swin’wana eka n’wina, hi Vito ra Hosi, swi nga humeleli xana? Xana ndzi tshame ndzi mi kombela mali kumbe swin’wana, swin’wanyana, leswaku ndzi ta kota ku hanya xana?”

¹³⁵ Va ku, “Ee, a wu se tshama u hi kombela mali. Ni leswi u swi vulaka, hi Vito ra Hosi, swa humelela. Kambe hi lava hosi, hi ndlela yin’wana,” hiloko va hlawula Saul. Langutani leswi misava yi swi hlawulaka! Langutani leswi Israel ri nga swi hlawula! Israel, leri nga ni ntoto wa Xikwembu, ri hlawurile wanuna loyi a nga na nhloko na makatla ehenhleni ka vanhu van’wana etikweni; wa kahle, lonkulu, wo saseka, nakulorhi loyi a langutekaka a ri ni malwandla, nakona minkarhi hinkwayo a ri nhongana eka xihorisi.

¹³⁶ Kambe Xikwembu xi teri, “Ndzi ta mi hlawulela hosi ku ya hi ku hlawula loku ku nga ka Mina.” Swingaleswi Xi teri, “Samuel, a Ndzi nge ku byeli leswaku i mani, kambe yana ehenhla lahaya. Hi un’wana wa majaha ya Yesse.”

¹³⁷ Kutani Yesse, nsati wa yena, ni hinkwavo ka vona va halahala, va ku, “Ina, jaha ra hina lerikulu, u kahle, u lehile, wanuna wa malwandla, u ta languteka a faneriwa hi xidlodlo xa vuhozi. U tlharihile. U dyondzile. I wanuna wa kahle. Ndza switiva leswaku u tava a ri kahle. Marito ya yena u mavulavula kahle.”

¹³⁸ Loko va tava va n’wi humesile, Samuel u tekile ximbitana xa mafurha kutani a n’wi tshunelela. A ku, “Ee, Hosi ya n’wi ala.” Swingaleswi a rhelela ehansi, eka majaha ya ntsevu, kutani Hosi yi ala un’wana na un’wana wa vona. A ku, “Ku hava un’wana xana?”

¹³⁹ “Oho,” a ku, “ina, i kona un’we, u le ndzhaku lahaya u risa tinyimpfu. U lo titshamela endzhaku lahaya a tlanga tinsimu, a tlhela a tiyimbelela, a huwelela, ni ku ya emahlweni. Kambe, a ri lontsongo wa swikatlani swo korhamma, munhu loyi a languteka a nga ri kahle, a ngaka a ngavi hosi.”

¹⁴⁰ A ku, “N’wi landzeni.” Kutani loko Davida a ha ta emahlweni ka muprofeta, muprofeta u tsutsumile ni mafurha a ya ma chela ehenhla ka nhloko ya yena, a ku, “Hi loyi muhlawuriwa wa Xikwembu.” A hi ku saseka; kambe vumunhu. Xikwembu xi languta vumunhu.

¹⁴¹ Vanhu va langutisa ku saseka ka ntumbuluko. Swi ni vuxisi. Kutani sweswo hi swona swi endleke leswaku wansati a nyikiwa ku saseka kwaloko, ku ta kanganyisa, ku ta xissa. Wansati wo saseka, loko a nga ku tirhisa hi ndlela leyinene, i ndzhukano eka yena; sweswo swi ta n’wi rhumela etiheleni hi ku hatlisa kutlula nchumu wun’wana lowu ndzi wu tivaka. Loko ntsena... Loko ntsena a nga saseka, hakunene, ntsena loko a ha tshama na nuna wa yena a endla leswi swi nga kahle, kutani sweswo—sweswo swi kahle swi tlhela swi basa. Kambe a nga ha teka leswi swi fanaka kutani, mina, leswi a nga xisisaka xiswona ha swona, hikuva swi nyikiwile eka yena ku endlisa xisweswo.

¹⁴² Xiyisisani, sweswi, kambe Xikwembu xi tivumbe eka vumunhu. “Ku hava ku saseka loku hi nga ku tsakelaka eka Yesu,” kambe a ku se tshama ku va ni loyi a nga na vumunhu kukotisa Yena, emisaveni.

¹⁴³ Sweswi hi kuma leswaku, namuntlha, leswaku vu-vu vumunhu bya kereke, Sathana ni ntlawwa wa yena, va langutela letikulu, tikereke leto saseka, swilo swo saseka. Sweswo hi swona misava yi swi langutaka namuntlha. “Oho, i mufundhisi, nkarhi lowukulu wa *so-na-so*, *so-na-so*, wa vuprista ngopfu ni vukhongeri, va ya ehandle, ni tinguvu letikulu ta vona, ni swin’wana swo kotisa sweswo.” Va swivitana ku saseka sweswo.

¹⁴⁴ Kambe vakwetsimi va xiviri va Xikwembu va languta vurito bya Rito leri ri kombisiweke.

¹⁴⁵ Sweswo hi leswi vakwetsimi va swi endleke hi siku lero, loko va tava va vonile Yesu. A nga ri na nchumu lexi xi nga langutisiwaka, kambe a va vona Xikwembu lexi a xi ri eka Yena. A va vona Xikwembu lexi a xi ri eka Yena.

¹⁴⁶ Sweswo hi swona swi endleke leswaku lava, Yoab ni yumunhu lebyi a byi ri na Davida, nakulorhi lontsongo wa khale, kambe va vonile mu—mu munhu loyi ari eka yena. Va vonile Xikwembu xexo leswaku xi le ka yena, nakona va switivile leswaku u ta ta eku fumeni siku rin'wana. Va... Un'wana u dlayile vamakwerhu va ntlhanu va Goliadi, hi voko rin'we. Un'wana a dlaya vavanuna va madzana ya nharhu; loko vavasati van'wana va ha kha tinyawa ku ta endla swakudya swa ni nhlikanhi, kutani vuthu a ra ha fambile, kutani u tekile ntlharhi a dlaya madzana manharhu ya vavanuna, va Vafilista. Vumunhu! Hikokwalaho ka yini? A va tiseketele kahle hi Davida. A va switiva leswaku ntoto wu le henhleni ka yena, nakona a va switiva leswaku u ta eku fumeni.

¹⁴⁷ Xifaniso lexi xi tengeke xa Kereke namuntlha leyi yi nga ta ti seketela hi Rito! Ha switiva leswaku Ri ta endlifa ri va ni vumbboni. Ha switiva leswaku Ri le ku teni eku fumeni siku rin'wana. Hambi leswi Saul... Nakona a ri mubaleki kusukela eka matiko hinkwawo, kambe a va switiva leswaku u ta eku fumeni. Ha switiva leswaku U ta eku fumeni, na yena, swingaleswi hi teka Rito lero hi yima lahaya na rona, a swi na mhaka leswaku swi durhisa ku yini. Loko hi fanele ku tsema Vafilista, kumbe hi tlulela ekheleni hi dlaya nghala, tani hi un'wana a swi endleke, ha ya hi ndlela yin'wana, hikuva i... yaleyo i ndlela leyi Xikwembu xi nga yi kunguhatisa xiswona leswaku yi tava tano. Hi languta vumunhu.

¹⁴⁸ Sweswi mi nga ha ndzi vutisa mi ku, “Hikokwalaho ka yini Xi pfumelerile wansati leswaku a kunguhatiwa hi ndlela yaleyo xana?” A ndzi lavi ku teka nkarhi wo tala, hikuva ndza hari na swo tala swo swivula lahwani. “Hikokwalaho ka yini,” ku nga ha pfuka xivutiso kwalaho, “hikokwalaho ka yini Xikwembu xi endlife wansati loyi a va tano xana? Hikokwalaho ka yini Xi n'wi pfumelerile a va xisweswo xana?” A kuri ku titsakela loku ku nga ka Xona N'winyi. Hakunene.

¹⁴⁹ Sweswi loko mi lava ku pfula Bibele ya n'wina xinkadyana, a hi pfuleni eka Varhoma 9, ntsena xinkadyana, kutani ni mi komba swin'wana, hilaha Xikwembu xi swi endlisaka xiswona swilo leswi, loko mi lava ku—ku swi hlaya. Kutani hi nga ha swivona lahwani hilaha Xikwembu xi endlisaka xiswona ku titsakela loku ku nga ka Xona N'winyi. Varhoma 9:14.

Kutani *hi ta ku yini?*

Xana ku homboloka ku kona eka Xikwembu?...

¹⁵⁰ Loko Xi hlaurile Esawu, kumbe xi hlaurile Yakob xi ala Esawu, ku nga se fika laha kumbexani jaha a nga havaka

ni mpfumelelo wo hlawula, yena hi yexe, hambi a ri un'wana wa vona; va nge se tswariwa, va hari ekhwirini ra manana wa vona, Xikwembu xi teri, “Ndzi vengile Esawu, kutani Ndzi rhandza Yakob.” Wa vona? Hikokwalaho ka yini?

Hikuva xi te ka Muxe, Ndzi ta tsetselela loyi Ndzi n’wi tsetselelaka, Ndzi ta twela vusiwana loyi Ndzi n’wi twelaka vusiwana.

Hikokwalaho a hi mhaka...ya loyi a rhandzaka, ni...ya la tsutsumaka, kambe i ya Xikwembu lexi tsetselaka.

Hikuva Tsalwa ri te ka Faro, Leswi ndzi ku pfuxeleke swona, hi leswaku ndzi kombisa matimba ya mina ha wena, ni leswaku vito ra mina ri twakala emisaveni hinkwayo.

Loko swi ri tano xi... (sweswi vonani lahayani)... loko xi...xi tsetselela loyi xi rhandzaka ku n’wi tsetselela, kambe xi nononhwisa loyi xi rhandzaka ku n’wi nononhwisa.

Kutani u ta...ku ka mina, Xana xa ha...vilela ha yini ke? Hikuva i mani la nga alaka ku rhandza ka xona xana?

Kambe, Wena munhu, u mani loko u tengisa Xikwembu? Xana mbita yi nga ku ka loyi a yi vumbeke, U ndzi endlisele yini xi leswi xana?

Kumbe xana muvumbi a nga na matimba ya ku endla hi nkanyanga wun’we wa vumba embita yin’we leyi dzunisiwaka, ni yin’wana leyi nga dzunisiwaki xana?

Kambe loko Xikwembu, xi rhandzile ku kombisa vukarhi bya xona, niktu twarisa matimba ya xona, xi hunisile...hi mbilu leyo leha ngopfu etimbita ta vukarhi leti lunghiseriweke ku lahleka:

...leswaku xi twarisa hi vukulu bya ku kwetsima ka xona etimbiteni ta ku tsetseleriwa, leto i ngi xi ti lunghisele ku kwetsima ka hari ku sunguleni,

¹⁵¹ Sweswi phikizanani na Sweswo xinkadyana. Xikwembu xi swi endlile! Xi fanele xi swi endla hi ndlela leyi. Swi fanele ku va kona. Sweswi yingiselani ku ringana kwalomu ka ntlhanu wa timinetse, ndzi lava ku mi koka rinoko eka swin’wana.

¹⁵² Xana Xikwembu i yini? Xikwembu hi lexi xi nga riki na Makumu xa kahle. Emasunguleni, endzhaku ku nga se va ni masungulo, a Xi ngari Xikwembu. Xana a mi switiva sweswo xana? Xikwembu i “xibye xo gandzela ka xona,” nakona a kuri hava lexi a xi fanelu ku Xi gandzela. A xi hanya Xi ri xoxe.

¹⁵³ Kutani eka Xona akuri ni swiyimelo. Xana vuyimelo i yini? Mianakanyo. Sweswi mi ta kuma swin’wana leswi swi nga ta

nyangatsa eka dyondzo ya madyambu lawa. Xiyisisani, a Xi ri swiyimelo swa Xona leswi a swi ri eka Xona. Sweswi, a swi ri eka Xona kuva Tatana, a swi ri eka Xona kuva Xikwembu, a swi ri eka Xona kuva N'wana, a swi ri eka Xona kuva Muponisi, a swi ri eka Xona kuva Muhanysi. Kutani hinkwaswo swilo leswi ntsena a swi kombisa mintumbuluko ya Xona. A kuri hava lexi a xi nga tshamisekanga. Mi ehleketa leswaku Xikwembu a xi nga ya voni makumu kusukela ekusunguleni xana? Hakunene-nene, Xi swi endlile. Ku hava lexi nga tshamisekangiki, ntsena swo kombisa ntumbuluko wa Xona.

¹⁵⁴ Sweswi, Xi ngaka xi ngavi lexi nga *lulama* xi tlhela xi endla munhu leswaku a wa. Xi fanele ku n'wi veka eka tshaku leri ri ringanelaka, eka ximunhu lexi xi tshuxekeke, leswaku a ta tihlawulela yena n'winyi, kambe swi ri karhi swi tiveka leswaku u ta wa.

¹⁵⁵ Sweswi, Xi ngaka xi ngavi Muponisi handle kaloko xin'wana xi lahlekile. Xi ngaka xi ngavi Muhanysi handle kaloko xin'wana xi vabya. Swilo leswi swi fanele kuva hi ndlela ya leyo. Xikwembu xi va endlise xisweswo leswaku swibye swa Xona swa kahle swi ta kombisiwa swi vonaka. Loko a swi ngari kona sweswo, a Xi tava xi nga ri Muponisi. Kambe ha switiva leswaku Xi tano, hambi leswi a ku nga se va ni nkarhi, a Xi ri Muponisi. A Xi ri Muponisi, swingaleswi ku fanele kuva ni swin'wana leswi swi nga lahleka. Xana swi tava njhani xana?

¹⁵⁶ Loko Xi swi teka xi tlhela swi xi lahlekela, ntsena hi maendlelo ya ku swi ponisa, swingaleswi a hi vululami eka ku avanyisa ka Xona. Xi ngaka xi nga rhumeli munhu leswaku a ya etheleni, xi tlhela xa hava lexi lulameke. Xi ni musa, xa olova, xi ni ntiyiso, xi tshembhekile, nakona hi Xona Muavanyisi lonkulu. Wa vona, a Xi tava xi ri karhi xi tirha hi ku lwisana na xona N'winyi.

¹⁵⁷ Swingaleswi Xi fanele ku veka munhu ehandle lahawani, kutani xi n'wi endla a va ari ni yumunhu lebyi byi tshuxekeke, leswaku a nga ha, hi ku tiva, u ta wa; nakona munhu, eka xivumbeko lexi xi nga xa Xona N'winyi, a nga wa njhani xana? Sweswi mi vona ku Vonakala ka ni nhlikanhi? Swingaleswi, a Xi fanerile ku endla xin'wana lexi nga riki xa xiviri, xin'wana lexi xi humaka eka ntumbuluko wa xiviri. Sweswi ma swi vona. Wa vona? Kwalahaya mi humaka kona. Wa vona? Swingaleswi, sweswo hi swona leswi swi nga wa. Xi swi endlile, swi ri karhi swi tiveka leswaku swi ta wa. Kutani swi vekiwa emavokweni ya Sathana, leswaku xi va xibyi lexi nga xiximiki. Ku hundzele kwihku ku xixima namuntla xana? Mi ehleketa hi sweswo. Yingiselani swinene sweswi.

¹⁵⁸ Swingaleswi nakambe, hikokwalaho ka yini a kunguhatiwile hi ndlela leyi ku ngari ku kotisa leswin'wana

swa xisati, hikokwalaho ka yini wansati a kunguhatiwe xileswi kutani handle ka swa xisati leswin'wana xana? Ku hava na xin'we xa swisati swi nga kunguhatiwa xisweswo. A swi tano, namunthla. A swi ngevi tano. Ku ngari loko a endliwe hi ndlela yaleyo, a ngaka a nga swikoti. Hikokwalaho ka yini Xi nga endlaka xa xisati lexi ekusunguleni, xi va wansati, ntsena kukotisa leswin'wana swa xisati, leswaku a tava hi ndlela yin'we yo fana, leswaku ntsena a kota ku kurisa vana va yena? Kutani a tava a ri na nuna wa yena, a tlhela a hanya; kutani loko ku fika nkarhi wa n'wana wa yena, a tava na n'wana wa yena. Hikokwalaho ka yini, hikokwalaho ka yini Xi n'wi endlise xi leswi xana?

¹⁵⁹ Ndzi ngaka ndzi nga vuli marito lawa. Kutani ma swi twisia leswi ndzi vulavulaka hi swona, a mi tano xana? Loko mi swi twisia, mi nge "amen." [Nhlengeletano yi ku, "Amen."—Muhleri.] Ina. Wa vona? Ku ni swinhwenyetana swi nga tshama lahwani, ni swifanyetana, wa vona. Kambe ma swi tiva, xiharhi xi fanele ku ta hi nkarhi wun'wana wa lembe, ni munghana wa xona, kutani sweswo swi hetisekile hinkwaswo. Kambe, wansati, i nkarhi wun'wana ni wun'wana. Kutani hikokwalaho ka yini Xi n'wi endlise xi leswi xana?

¹⁶⁰ Sweswi langutisani nonganoko wa Xona wa kahle wu nga andlariwa, tani hiloko ha haya emahlweni lahwani sweswi, ntsena hi ku hetiseka tani hi ku hetiseka ku nga vaka xiswona. A ndzi swi tivanga leswi ku kondza siku rin'wana.

¹⁶¹ Hikokwalaho ka yini Xi nga n'wi endlisanga xi sweswo emasunguleni, kukotisa hinkwaswo swa xisati swa Xona? Hikuva a swi tava swi nga tangi eka Xona. Hi Xona Xihlovo xa ku tengah hinkwako. Hi xona xivangelo xa kuva Xi pfumelerile Sathana a n'wi khoma, leswi a nga swi endla hi ku encenyeta. Ta ni hilaha xivumbiwa xexo xi nga tava xiswona, a xi ngevi lexi xi nga tangiki eka Xona, hi xiviri xi kunguhatisiwe xisweswo.

¹⁶² Hinkwayo mintirho ya Xona leyi Xi nga tikunguhatela yona, ekusunguleni, yi le ku yeni emahlweni. Mintirho ya Xona hinkwayo yo sungula yi le ku yeni emahlweni. Mbyana ya xisati, mbyana ya xinuna; wa vona, homu ya xisati, homu ya xinuna; hinkwaswo swi ya emahlweni. Ntumbuluko hinkwawo wu le ku yeni emahlweni. Mbewu ya fa, yi ya emisaveni; ntsena ku kotisa rifu, yi lahliwa, yi tlhela yi pfuka. Sapu yi ya ehansi yi suka ensinyeni, yi dzudza matluka ya wona, wu tlhela wu vuya eka lembe leri ri tako niku pfuka ka matluka matshwa. Ma swi vona leswi ndzi swivulaka xana? Hinkwaswo, hambi kuri ntumbuluko, wa Xikwembu, hinkwawo wu le ku yeni emahlweni, eka xin'we; kutani lahwani ku ni xin'we lexi nga kunguhatiwa xi ri ehandle ka kuya emahlweni ka Xikwembu.

Ntumbuluko wu kunguhatiwe leswaku a wu nge dyohi. Ehleketa! Ntumbuluko wo sungula, wa Xikwembu, wu ngaka wu nga dyohi.

¹⁶³ Oho, a mi swi voni sweswi xana, eka ku kombisa loku ku nga lahawani, ku encenyeta ka kereke xana? Laha ro sungula ku nga Rito ra Xikwembu! Ku hava xidyoho eka Xikwembu. Ma swi vona leswi ndzi swi vulaka xana? Hi lexiwani xivumbiwa lexi xi humelelaka hi ku encenyeta. Xikwembu xi ya eku veni na Kereke, kambe langutani eka swilo leswi swi nga encenyeitiwa va nga na swona lahawani.

¹⁶⁴ Xikwembu xi endlile wa xinuna ni wa xisati. Kambe, wansati loyi, wa vona, swikombeto sweswiya swa swona swi kombisa leswaku a swi ri emiehlekeweni ya Xikwembu. Hi nga ha teka awara, kumbe timbirhi, kutani hi swi tshovelela sweswo. Wansati, xivumbiwa lexi xi endlive leswaku xiva hi ndlela ya leyo, Xi endlile xivumbiwa xi tlhela xi n'wi hundzuluxa leswaku Sathana a nga ha kota ku n'wi khoma, nakona u swi endlile. Wa ha n'wi khomile na sweswi. Swa antswa a hahela eXihambanwini, ku kotisa wanuna, na yena.

¹⁶⁵ Xiyisisani, ntumbuluko hinkwawo wu famba hi ku vuyelela. Loko a Xi lo endla wansati eka ntumbuluko wo sungula, a ku tava ku nga ri na xidyoho, hikuva a tava a nga swi endlanga, a tava a nga swi endlanga. I mu encenyeiti wa ntumbuluko wo sungula.

¹⁶⁶ Swingaleswi vudyoho hinkwabyo byi lo encenyeitiwa kusukela eka Ntiyiso wa xiviri! Mavunwa wona i yini xana? I Ntiyiso lowu wu nga encenyeitiwa. Vumbhisa i yini? Iku encenyeta ka maendlelo ya kahle. Swingaleswi ku ni xivumbiwa lexi nga encenyeitiwa, ku ni hinkwaswo leswi swi nga encenyeitiwa. Nakona nchumu hinkwawo wu peleta x-i-d-y-o-h-o, xi nga lahaya. Hi yona mhaka xivutiso xi nga lexikulu.

¹⁶⁷ Kova ntsena xiphemu, xikirepe, lexi nga endlawa hi wanuna, leswaku xi ta n'wi kanganyisa; Xikwembu hi xona xi nga xi endla, kona kwala swi khorwisiwile. Sweswo hi leswi a nga endleriwela swona.

¹⁶⁸ Wansati wa vugangu i nchumu wun'wana wale hansi ngopfu lowu ku nga ehleketiwaka ha wona, emisaveni. Ndzi khomeleni eka leswi, n'wina vamanana lavantsongo. A ngova nchumu handle ka thini ra thyaka ra ximunhu, mupaluxi wa timhaka ta masangu. Sweswo hi swona hinkwaswo a nga xiswona, wansati wa vugangu, hi yena thini ro chela thyaka ra timhaka ta masangu ya ximunhu, nthyakiso, laha vuyada, thyaka, ku xiximiwa, thyaka ra le hansi-hansi ri humesela hi yena ehandle. Hikokwalaho ka yini a endlive hi ndlela leyi xana? Leswaku a ta kanganyisa. Vudyoho byin'wana na byin'wana lebyi byi nga tshama byi va kona emisaveni byi vangiwe hi wansati.

¹⁶⁹ Kutani mukambisisi loyi ntsena a humaka eChicago, wa—wa wansati u tsarile a tikili ley, matimba ya xiphorisa; lawa va nga ya tsutsumisa, eUnited States, maphorisa ya United States, leswaku “Makume nkaye-nhungu wa tiphesente wa vugevenga byin’wana na byin’wana lebyi byi nga tshama byi endliwa hi xivumbeko xin’wana na xin’wana, eUnited States, swi nga ha endleka kuri ni wansati eka byona kumbe endzhaku ka byona.”

¹⁷⁰ Sweswi ndzi vula hinkwaswo leswi, leswaku hi fika eka nchumu wun’we lahawani emakumu, leswaku mi ta kota ku swivona leswaku mhaka i yini.

¹⁷¹ U endleriwe ku kanganyisa, tani hilaha a swi endleleke Adam emasunguleni, a n’wi byela leswaku muhandzu wa nandziha, ni kuya emahlweni, ku n’wi xisa niku n’wi yisa ekule na Rito. Yaleylo hi yona ndlela leyi kereke yi swi endlaka namunthla, swa ha fanana.

Kambe swingaleswi, endzhaku ka sweswo, u vile mufumi wa yena, leswaku a n’wi fuma.

¹⁷² Sweswi hi kwihi ku hambana eka siku leri, eka siku leri ra vuxisi. Ematshan’wini ya wanuna leswaku a va mufumi wa yena, wansati u vile xikwembu nyana xa yena. Hakunene, wansati u fuma wanuna. Sweswi kumbexani mi nga ha switwisisa kahle leswi a ndzi ri eku swi beni. Hikokwalaho ka ku saseka ka yena niku lawula ka yena timhaka ta masangu, xivumbeko lexi a nga nyikiwa xona hi Sathana, leswi swi nga riki swa xiviri leswi Sathana a nga swi endla, u rhumeriwile ku ta hambukisa vana va Xikwembu. Kutani a nga ha jikisela votala va vona va ya etiheleni kutlula xibye xin’wana lexi Sathana a nga na xona. Sweswo hi swona hakunene.

¹⁷³ Ndzi vulavula hi vugangu sweswi, hayi n’wina vasesi. Hi ta mi nyika ndhawu ya n’wina, ndhawu ya kahle, eka timinetse tintsongo, eka Rito ra Xikwembu lahawani. A swi ri emakun’wini ya Xikwembu kusukela emasu—emasunguleni.

¹⁷⁴ Sweswi ku swi endla leswi namunthla, hi xihi xikwembu nyana xa United States? Matsundzuka etabernakeleni malembe lawa ya nga hundza, ndzi chumayerile hi sweswo? Xikwembu nyana xa siku leri ra ximanguva lawa, thuga-mama yi ntsongo a yi tshamile kwalahaya a tiphontsha-phontsile, swiambalo swi kokiwile ku fika ematsolweni ya yena, ni swin’wana swo kotisa sweswo. Ndzi ku, “Vonani xikwembu nyana xa n’wina!” Kutani sweswo hi swona, u le ka xinavetiso xin’wana ni xin’wana, a ambarile hafu. U le xitarateni, hi ndlela yin’we.

¹⁷⁵ I xibyi xa Sathana, “kusukela emasunguleni,” Yesu u vule tano. Wa vona? Ha swivona sweswo swi tano sweswi, nakona “kusukela emasunguleni,” kutani hi swihi leswi Xi vulavulaka ha swona.

¹⁷⁶ Sweswi, vahedeni va toloverile ku n'wi endla xikwembu nyana xa vona, (a mi swi tiva sweswo?) xikwembu nyana xa xisati. Hakunene swi endlekile. Va n'wi endlile xikwembu nyana xa wansati, hikuva va ni nawu wa masangu eka ku gandzela ka vona. Va koxa sweswo, "Hi yena mutumbuluxi. Exivelekelweni xa yena u rhwale mbewu a tlhela a tumbuluxa." Byebyo i vunwa. Ku ni Mutumbuluxi un'we ntsena, yaloye i Xikwembu. Kambe ma n'wi tsundzuka Paul lahaya xana? "Diana, wa Efesa," loyi a ri xivumbeko xa ribye, a ku, "xikwembu nyana xa wansati xa Tilo, xi hoxiwile ehansi." Xana a mi swivoni leswi vahedeni va swi gandzelaka xana?

¹⁷⁷ Kutani hina, hi nga ri eku switiveni, hi hundzulukela endzhaku eka ku gandzela ka vahedeni nakambe, eka vavasati, xivumbiwa lexi xi nga ehansi-hansi emisaveni, ku gandzela wansati! U ta jikisa wanuna kuya hi ndlela yihi kumbe yihi leyi a yi lavisaka xiswona. Nakona a nga ri eku switiveni, vumburhi hinkwabyo lebyi byi nga ehandle, tihele tetu ti le ndzeni. Solomon u teri, "Wansati, tinyangwa ta yena i tinyangwa ta tihele."

¹⁷⁸ Sweswi hi swi vona erivaleni lahawani leswi Yesu a nga vulavula hi swona eka Nhlavutelo, ndzimana ya vu² na vhese ya vu¹⁵, eka dyondzo ya va Nikolayiti, ku ta ka kereke ya leyo ku ti sukumetela ekule yona hi yoxe na Rito.

¹⁷⁹ Nakambe hi nga ha swivona lahawani, erivaleni, ku nyenyetsa loku, leswi nga riki swa vukhongeri, minonganoko ya thyaka leyi hi nga na yona eka thelevhixini, tihosikazi to Vugangu ta Hollywood. Hi nga ha rivona thyaka ra doroba leri, tani hi vana lava, swinhwenyetana swa khale swi ya ehenhla nale hansi exitarateni lahawani, ni leswi ntsongo, swiambalo swo manya, swi ri karhi swi ti sohasoha hinkwako, nakona ku titimelela ro enela ku va gwitsirisela ku fa. A va switivi leswaku i Javulosi a swi endlaka sweswo. Va khomiwile hi moya wo biha, nakona a va switivi! A wu nge yi kumi mbyana ya xisati yi swi endla sweswo, ma yi kuma xana? A mi nge kumi xin'wana xa xisati xi endla sweswo, nakona kuhava xa xinuna lexi antswaka xi xi landzaka, hambi swi ri tano.

¹⁸⁰ Wa vona, sweswi ma xi kuma xifaniso? Hi ta tivisa swin'wana ku ngari khale, hi ku rhandza ka Hosi.

Sweswi ma va vona Vanikolayiti, ma yi vona dyondzo ya vona.

¹⁸¹ Mativona tihosikazi ta tithugamama, va va vitanisa xisweswo, swibantani leswi swi nga exitarateni. Va toloverile ku va na swona loko va ya eka nkombiso wun'wana wa mukhuva wo biha, ku ya vona swibantana leswi. Ntsena pfulani mahlo ya n'wina, langutani exitarateni, sweswo hi swona hinkwaswo mi fanelaka ku swi endla sweswi. Nchumu

hinkwawo kova swibantana. Hakunene. Xana va swi endlela yini xana? Ku hluvula, hi ku ringa, walowo hi wona nchumu wu ri wo xe lowu a nga wu endlaka. U swi endla hikokwalaho ka kuva a thyakile. U swi endla hikokwalaho ka kuva a endlive hi ndlela ya leyo. A nga swi tekeli enhlokweni leswaku i xibye lexi xi nga emavokweni ya Sathana, kutani sweswo hi swona leswi a nga xiswona.

¹⁸² Hambi kuri eswikolweni swa hina namuntlha, vadyondzisa mikhuva ya masangu. Misava ya hina leyi yi nga bola ya ku gandzela wansati! Ndza switiva a va swi lavi ku swi pfumela sweswo. U yima u yimbelela rixaka rin'wana ra risimu, ni kuya emahlweni, hi siku rin'we; u tlhela u tihumesa ni vavasati, mi tsutsuma-tsutsuma hinkwako, vusiku hinkwabyo. Wa vona? Hi swona. Loko, emahlweni ya Xikwembu, Rito, a ri wale hansihansi eka swiharhi hinkwaswo leswi Xikwembu xi nga swi veka emisaveni. Hlalelani.

¹⁸³ Sweswo hi swona swi endleke leswaku Xikwembu xi n'wi alela ku dyondzisa Rito ra Xona. Sweswo hi swona. Timotiya wo Sungula 2:9-15, "Hikuva a ndzi pfumeleli wansati eku dyondzisa, hambi kuri ku lerisa." Wa vona? Nakambe eka Vakorinto vo Sungula 14:34, "Vavasati va n'wina a va miyele etikerekene, hikuva a va pfumeleri ku vulavula, va fanele ku yingisa; ku kotisa leswi Nawu wu swi vulaka na wona." Kambe, namuntlha, xana kereke yi endla yini xana? Va va endla vafundhisi, vaevhangeli, loko Bibele hi ku hetiseka yi swi alela. Kutani Bibele yi teri, "ku kotisa leswi Nawu wu swivulaka," wu swi endla wu swi fambisa ku yisa emahlweni, nchumu hinkwawo.

¹⁸⁴ Ku kotisa leswi Xinyimpfana a xi ri swona, madyambu ya tolo, ndzhawu leyi yi nga yoxe yo gandzela, ehansi ka Ngati leyi halakeke ya Xinyimpfana. Yo va ndzhawu yi ri yoxe namuntlha, eka Kreste. Ndlela yin'we ntsena leyi mi nga yi endlaka i ku ta eka Yena. Hi yona ndzhawu yi ri yoxe yo gandzela. Minkarhi hinkwayo yi hi ndlela yaley. Ndzhawu leyi yi nga yoxe yo gandzela yile hansi ka Ngati leyi yi halakeke.

¹⁸⁵ Swingaleswi sweswi ha xi vona xifaniso hinkwaxo xa swona xi ndlalekile eka hina. Hi luya lahaya. Sweswo hi swona swi endlaka leswaku Xikwembu xi nga n'wi pfumeleli ku dyondzisa, a xi n'wi pfumeleli ku endla xin'wana na xin'wana ekerekene handle ka kuva a tshamiseka a miyela ni xikandza lexi xi nga funengetiwa hi nturhu.

¹⁸⁶ Sweswi mi nga ha swivona leswaku hikokwalaho ka yini ndzi vule swilo niku endla swilo leswi ndzi nga swi endla, hi ku tiva hinkwaswo leswi embilwini ya mina, buti, vasesi? Ndza switiva, vasesi, ndzi...kumanzi tindhawu ta n'wina (ntsena hi xinkadyana), ni yumunhu byo saseka lebyi Xikwembu xi nga ta byi yumba eka n'wina. Kambe ntsena ndzo va eku ringeten

ka ku vulavula eka tlhelo lerin'wana, ku kombisa leswaku hakunene mi huma kwihi, "emasunguleni." Yesu u hi byerile "ku tlhelela emasunguleni," ku ya swi kumisisa. Sweswo hi leswi hi nga eku swi endleni.

¹⁸⁷ Sweswi a ndzi fanerile ku ba tipoyindi ta le henhla eka swo tala leswi, nakona ndza tshembha leswaku ma swi twisia leswi. Nakona n'wina vanhu n'wina mi nga ta kumeka mi ri karhi mi yingisela thepi leyi, ndza tshembha ma swi twisia. Ntsena tlhelelani endzhaku. Kova ntsena ku kombisa leswaku Yesu u teri, "Tlhelelani endzhaku, kusukela emasunguleni, mi ya swi kumisisa." Hinkwaswo, tlhelelani endzhaku emasunguleni. Mi nga ha swi vona, namuntla.

¹⁸⁸ Hikokwalaho ka yini, vanhu, va ri ndzi muvengi wa vavasati. Sweswo swi le kule ni Ntiyiso. A ndzi tano. Va ri, "Muvengi wa vavasati!" Tsundzukani, va vitanile Paul leswaku i muvengi wa vavasati. Muministara wa wansati, ku nga ri khale ngopfu, u teri, "Oho, u fana na Paul wa khale, hinkwaswo leswi a fanele ku swi endla i ku pambula eka hina vavasati."

¹⁸⁹ Mukwetsimi wa Xikwembu, loyi a nga pfumeleriwa ku tsala Bibele, Testamente Leyi Ntshwa, kutani ku kanetiwa Marito ya yena? U teri, "Loko ku ngava ni Ntsumi leyi yi humaka eTilweni yi dyondzisa swin'wana swo hambana ni Leswi ndzi nga swivula, A yi vi ndzhukano," n'wi tshikeni a ri yexe wansati wo chumayela.

¹⁹⁰ Va teri Eliya ari muvengi wa vavasati. A nga ri muvengi wa vavasati, lava va nga vavasati va xiviri. Ntsena a nga va rhandzi va Yizabele va vona.

¹⁹¹ Kutani loko sweswo swi ri tano, swingaleswi Xikwembu xa boheka kuva hi ndlela yo fana, hikuva hi Xona Rito leri ri taka eka vaprofeta. Swingaleswi swa boha leswaku ku va Xikwembu, hi ndlela yin'we, swingaleswi, wa vona, Xi tiva ntumbuluko wo sungula, "kusukela emasunguleni," Xi teri, "kusukela emasunguleni." A kuri vaprofeta lava Rito a ri ta hi vona.

¹⁹² Kutani Xi n'wi endlele wanuna, ku ngari wanuna leswaku a va wa yena. A mi swi tiva sweswo, leswaku, "Wansati u endleriwe wanuna, a hi wanuna loyi a nga endleriwa wansati"? I vangani va swi tivaka sweswo xana? [Nhlenegetano yi ku, "Amen."—Muhleri.] Bibele yi dyondzisa sweswo. Hi swona. U nyikiwile ndzhawu eka wanuna, ku nga siva niku wa, ntumbuluko hinkwawo a wu ringana. Kambe "endzhaku" ka kuwa, lahwani hi tisa dyondzo. Kambe "endzhaku" ka ku wa, wanuna a ri mufumi wa yena, u boheka ku miyela eka timhaka hinkwato, sweswi endzhaku ka masungulo ya xiviri loko ya tava ya herile.

¹⁹³ Yesu u teri, “A swi nga ri tano emasunguleni.” Kwalaho hiloko nkarhi wu sungula, loko Xikwembu xi tava xi akile ntumbuluko wa Xona wo sungula wa xiviri. Hinkwaswo sweswo loko mi swi twisia, mi nge “amen” nakambe. [Nhlengeletano yi ku, “Amen.”—Muhleri.] Emasunguleni Xikwembu xi tumbuluxile xin’we xa xinuna ni xin’we xa xisati. Kambe kwalaho wansati u endliwile ku hambana ni swiharhi, hinkwaswo swiharhi leswin’wana, leswaku a ta kanganyisa. Sweswi langutani, “A swi nga ri tano kusukela emasunguleni.” U endliwile, loko a lo tshama eka xiyimo xa xiviri, a tava a nga va nga niku wa. Kambe u vangile ku wa niku onhetela loku ku nga tshova hinkwako ku yisa emahlweni ka Xikwembu, kutani a hoxa rifu, maxangu, ni hinkwaswo, emisaveni. U endliwe xisweswo.

¹⁹⁴ Sweswi xiyisisani sweswi “endzhaku” ka masungulo, endzhaku ka masungulo, endzhaku kaloko nkarhi wu sungurile; endzhaku eka sweswo a kuri ni laha ku nga Heriki, ku vuye ku hela. Xiyisisani, endzhaku ka ku wa kwaloko loku ku endliweke hi Evha, endzhaku ka ku wa, ku vile ni xilaveko xa ku endliwa ka ntwanano wun’wana. Sweswi leswi swi ya eku miphijeni, kambe ndzi ya eku mi nyikeni ka Matsalwa ku khorwisa leswaku lowu i Ntiyiso. Sweswi xiyisisani endzhaku ka kuwa, Yesu u teri... Xikwembu, emasunguleni, xi endlile xin’we xa muxaka wa xona; kambe sweswi, endzhaku ka ku wa, sweswi hi ya endzhaku ka sweswo. Ntwanano a wu ringana; kambe sweswi, endzhaku ka ku wa, ku vile ni ntwanano wun’wana wu nga endliwa. Sweswi wansati a nga ha ri mufumi na wanuna, un’wana na un’wana u fanele a va ni ntwanano lowu wu avaneke.

¹⁹⁵ Sweswi a hi voneni loko sweswo kuri ntiyiso. A hi tekeni Genesa 3, kutani hi kumisisa loko leswi swi ri ntiyiso, sweswi tani hiloko hi famba swin’we, hikuva hi lava ku fambelana ni swilo leswi, swi humesiwile swi dyondzisiwa swi tlhela swi humesiwa swi ri ntiyiso lowu hetisekeke. Swingaleswi sweswo swi nga ha va swi ri kona lahawani hi ni xinkadyana xintsongo, hikuva a hi le kule ngopfu ni ku heta sweswi, ku va hi fika eku pfaleni ka xiphemu xa dyondzo ya hina, ku komba leswaku *hikokwaho* ka *yini* nakona ku thalana *kona ke*, ni kuya emahlweni. Sweswi eka Genesa ndzimana ya vu3, kutani hi ta sungula sweswi hi ya vu3, na vhese ya vu16. A hi sunguleni hi vhese ya vu14.

Hosi...yi ku ka nyoka, (sweswi Xi ya eku yi rhukaneni), Leswi u nga—u nga endlisa sweswi, u ta rhuketeriwa exikarhi ka tihomu hinkwato,...ka swiharhi hinkwaswo sva tiko; u ta famba hi khwiri, u dya ntshuri hi masiku hinkwawo ya ku hanya ka wena:

Ndzi ta veka ku vengana exikarhi ka wena ni wansati, ni xikarhi ka rixaka ra wena ni rixaka

ra wansati; ri ta *ku faya nhloko, wena u ri luma xirhendze.* (Ku tshembhisa, “*ku ta hi wansati,*” Mesiya, ku ta kutsula.)

Eka wansati a ku, . . .

¹⁹⁶ Sweswi langutani, sweswi ku ni ntwanano na nyoka. Laha, a va ri kahle emahlweni ka voko, emasunguleni, kumbe ku nga se fika masungulo.

Eka wansati a ku, Ndzi ta ku engeteleta ngopfu eku vaviseka ka ku tika ka wena; u ta veleka vana hi ku vaviseka; ku navela ka wena ku ta ya ka nuna wa wena, kambe yena u ta ku fuma, a ka ha ri na ku ringana eka hinkwaswo.

¹⁹⁷ Sweswi u jikile a hundzuluka, kutani hi yena mufumi sweswi.

Ni ka Adam a ku, Leswi u yingiseke rito ra nsati wa wena, u dya muri, lowu ndzi nga ku lerisa, ndzi ku, U nga tshuki u . . . dya: misava yi rhuketeriwa (a ku rhuketeriwi Adam, sweswi) misava yi rhuketeriwa hikwalaho ka wena; u ta dya swa yona hi ku vaviseka hi masiku hinkwawo ya ku hanya ka wena;

Yi ta . . . ku mirisela mitwa ni mahlwehlwe; u ta dya byanyi bya nhova;

U ta dya vuswa hi nyuku wa mombo wa wena, u ko u tlhelela misaveni; hikuva u humesiwile ka yona: hikuva u ntshuri, u ta tlhelela entshurini.

¹⁹⁸ Mintwanano yimbirhi. Sweswi sweswo swi pfala “ekusunguleni,” laha Yesu a nge teri, “A swi nga ri tano emasunguleni.” Hi ni ntwanano wun’wana sweswi. Xiyisisani, i ntwanano wun’wana. Sweswi kuni ntwanano wa swi tshoveriwa, kutani leswi swi nga humesiwa. Xiyisisani, ku wa ku tisile khombo, rifu, eka swivumbiwa hinkwaswo swa ntumbuluko, swi endla ku hambana eka ntumbuluko hinkwawo. Sweswi a hi swi xiyisiseni leswi Yesu a nga swi vula loko a te, “ekusunguleni a swi nga ri tano.” Sweswi a swi ri “kusukela,” sweswi swi ri “endzhaku” ka masungulo. Sweswi ku ni mi ntwanano yi mbirhi.

¹⁹⁹ Wo sungula a wova ntsena ntwanano, Adam na Evha a va ringana, wanuna un’we na wansati un’we. Sweswi wansati u dyohile, kutani (xana u endlile yini xana?) sweswo swi va hoxile eka rifu hinkwavo ka vona, kutani Xikwembu a xi fanele ku endla ntwanano ha sweswo, ntwanano wun’wana. Hi lowu lahawani eka Genesa 3:16, Xi endlile ntwanano wun’wana.

²⁰⁰ Sweswi misava yi fanele ku tlhela yi andzisiwa, kungari hi ntumbuluko wo sungula wa Xikwembu, ku kotisa ekusunguleni, ku nga ri hi ntumbuluko wo sungula, kambe

hi ku navela ka timhaka ta masangu. Sweswi sweswo swi hlayisa “ekusunguleni,” a hi swona xana? Ekusunguleni a kuri ni wanuna un’we ni wansati un’we, xa xinuna xin’we ni xa xisati xin’we; kambe loko wansati a tava a tsemekanyile ntila walowo kutani a nghenisa xidyoho lexi, kutani misava yi fanele ku tlhela yi andza nakambe, hi timhaka ta masangu, ku nga ri hi ku tumbuluxiwa; hi timhaka ta masangu. Ma ku vona laha wansati a nga kona sweswi, sweswi xana? Kambe yaleyo hi yona ndlela leyi misava yi andzaka ha yona namunthla, hi wansati.

²⁰¹ Hi yona mhaka Yesu a fanele ku ta hi wansati, ku vuyerisela nakambe masungulo ya yona ya xiviri nakambe, ku ngari hi ku tsakela timhaka ta masangu. U tswariwile hi wanhwana. Kambe, haleluya, wu ta fika nkarhi laha ku nga tava ku nga hari na timhaka ta masangu, kambe Xikwembu xi ta vitana vana va Xona kusuka eritshurini ra misava, va vuyela endzhaku kukotisa loko a va ri kona emasunguleni, kungari kuya hi wansati un’wana; kambe kuya hi ku vumba hi vumba ni minseve ya mavoni, ni petroliyamu, Xi ta tumbuluxa nakambe tani hilaha Xi endleke Adam eka nkarhi wo sungula. Yesu u swi endlile leswi swi humeleta, hikuva Xikwembu xi ti endla Munhu xona N’winyi xi ta emisaveni leswaku Xi ta fa, hi wansati loyi. Sweswi i nkarhi wo ringeta, hi xidyoho.

²⁰² Sweswi ma swi vona leswaku, “endzhaku” ka masungulo, a kuri ni swin’wana leswi a swi tivisiwa. Sweswi leswi swi ta mi tsema nhlana. Mi karhele xana? [Nhlengeletano yi ku, “Hayi.”—Muhler.] Ntsena tshamisekani nyana xinkadyana.

²⁰³ Swingaleswi loko mintwanano yimbirhi leyi nga endliwa hi wanuna ni wansati, hi timhaka ta masangu, ni ntwanano wun’wana swin’we (kungari ntwanano wo sungula, kambe ntwanano wun’wana), sweswi ku tivisiwa yini xana? Ntshengwe, eka hinkwaswo. Swingaleswi, endzhaku ka masungulo, ntshengwe ri tivisiwile havumbirhi eka munhu ni le ka swiharhi; endzhaku ka masungulo, ku wa. Xikwembu sweswi, xa vumbirhi, ku vekiwile ntumbuluko wontshwa nakambe, hi timhaka ta masangu. Xikwembu xi tumbuluxile wo sungula kungari na timhaka ta masangu. Ma swi pfumela sweswo xana? [Nhlengeletano yi ku, “Amen.”—Muhler.] Sweswi i ntwanano wun’wana na ntumbuluko, Xi wu tshamise hi odara yin’wana, hi timhaka ta masangu. Ntwanano wa vumbirhi: xin’we xa xinuna, swa xisati swo tala; mhalamhala yin’we ya ndhakazi, ni ntshanga hinkwaro ra tindhakazi ta xisati. A hi swona xana? Nkuzi yin’we, ni ntihambhi hinkwawo wa tihomu, tithokazi; nkuku wun’we, ni jarata hinkwaro ra timbhaha. A hi swona xana? Davida un’we, endzhaku ka mbilu leyi yi nga ya Xona N’winyi, ni vavasati va tlhanu wa madzana; ni vana va dzana lava a va tswariwa hi yena, hi lembe rin’we, va vavasati vo hambana, wanuna loyi a huma

e ka mbilu leyi yi nga ya Xona N'winyi. Solomon un'we, ni vavasati va gidi. Kambe xiyisisani sweswi, a swi nga ri tano emasunguleni, kambe sweswi swile "ndzhaku" ka masungulo. Wansati u swi endlile leswi, swingaleswi ntsena u vile leswi a nga xiswona sweswi. Wa vona?

²⁰⁴ Davida, hosi leyi a yi yimela Kreste! Khomani sweswo emiehleketweni ya n'wina. Davida a ri xiyimelo xa Kreste. Ma swi pfumela sweswo xana? [Nhlengeletano yi ku, "Amen."—Muhleri.] Kreste u tshamile, u ya eku tshameni eka xiluvelo xa yena. Kutani Davida loyi, wanuna loyi a humaka eka mbilu ya Xikwembu hi Xoxe, a ri na ntshanu wa madzana ya vavasati. Ma swi vona leswi ndzi swi vulaka xana? Davida ni ntshanu wa madzana wa vavasati va yena, Solomon ni gidi ra yena. Nakona Solomon i n'wana wa Davida, hi ntumbuluko; laha a ri xiyimelo xa Yesu Kreste, N'wana Davida, hi ximoya. Kambe sweswo i swa ntumbuluko, vutomi bya timhaka ta masangu. Lebyi byi tava bya ximoya, lebyi tumbuluxiweke. Hikokwalaho ka yini? Lebyi tumbuluxiweke. Wa vona, yaleyo hi yona ndlela leyi a yi ri xiswona emasunguleni, kambe kungari vutomi lebyi hi hanyaka eka byona sweswi.

²⁰⁵ Xiyisisani, mi nga hluleki eka leswi sweswi, swi tekeleni etimbilwini ta n'wina. Kambe a kuri hava na un'we wa vavasati lava a nga vaka ni un'wana wanuna. Wanuna i wa ntumbuluko wo sungula, kungari wansati. A kuri hava na un'we wa vavasati lava a nga vaka ni un'wana wanuna, kambe nuna ya loye a ri un'we a nga hava ni gidi ra vavasati. Sweswo HI LESWI HOSI YI SWI VULAKA. Yaleyo i Bibele. Sweswi ndzi tlhelele endzhaku, ndzi teka nkarhi wa mina ni mi komba halahaya endzhaku laha swi nga sungula kona, leswi Yesu a nga swivula. Sweswi mi swivona kahle xana? Va nga ha va ni votala...

²⁰⁶ "Oho," mi ri, "sweswo a swi ri swa Israel ntsena." Hi swona?

²⁰⁷ Loko Abraham a tava a tekile Sarah a n'wi yisa etikweni ra Vafilista, a kuri ni hosi kwalahaya hi vito ra Abimeleke. Kutani Sarah a ri ni malembe ya dzana hi vukhale, eka rona, kambe a ncinciwile a tlheriseriwela eka wansati lontsongo a tlhela a sasekisiwa. Ma swi tiva sweswo? [Nhlengeletano yi ku, "Amen."—Muhleri.] Hi swona. Kutani Abimeleke u n'wi lavile leswaku a va nsati wa yena. Ma ri tsundzuka Hungu ra mina ra swona? Abimeleke u lave ku teka Sarah leswaku a va nsati wa yena. Nkarhi wun'wana a ri na yindlu, kambe a nga ta swikota ku n'wi teka hikuva a vutiwile hi Abraham. Hiloko Abraham a ku eka Sarah, "U vula leswaku i, 'makwenu wa mina,' hikuva u ta ndzi dlaya leswaku a ta kuma wena." Hikokwalaho ka yini a nga hlongolanga Abraham a ya eka tiko rin'wana, a ti tekela nsati wa yena a ti fambela xana? A hi nawu ntsena lowu a

wu ri na vapfumeri, kambe vanhu hinkwavo eka ntumbuluko. Mudyohi kumbe mukwetsimi, mi ni vutihlamuleri, vanhu, eka timhaka leti. A kuri na hosi ya muhedeni. I vangani lava va xi tivaka xitorhi xexo leswaku xi ntiyiso xana? [“Amen.”] I Bibele, Genesa, hi ndzimana ya vul6, ndza pfumela.

²⁰⁸ Mi xiyisisa, Abimeleke loko a ta n’wi teka a va nsati wa yena. A tilunghisela kuva ni wanhwana loyi wa Muheveru. Kutani a ku, “Loyi i . . .” Wansati a ku, “Yaloye i buti wa mina.”

Yena a ku, “Yaloye i sesi wa mina.”

²⁰⁹ Kutani Abimeleke a ku, “Ntsena ndzi ta titekela yena leswaku a va nsati kwalaho.” Mi nga ha swi anakanya loko wanuna a endla nchumu wo kotisa walowo? Kambe u swi endlile.

²¹⁰ Kutani hi vusiku byebyo, loko a ya eku etleleni, Hosi yi humelela eka yena hi norho, yi ku, “Abimeleke, u kahle tani hiloko u ri munhu loyi a nga fa.” A yi ri eku sirheleleni ka sweswo, xinambyana xexo xa ngati ya Muyuda kwalaho, ma swi vona. Yi ku, “U kahle tani hi wanuna loyi a nga fa. U ni nsati wa wanuna un’wana loyi u tilunghiselaka ku n’wi lovola.”

²¹¹ Yi ku, “Hosi, u tiva ku tshembheka ka mbilu ya mina.” A ku, “A hi yena a nga ndzi byela leswaku i ‘buti’ wa yena xana? A hi yena a nge teri, ‘Yaloye i sesi wa mina xana?’”

²¹² Yi ku, “Ndzi tiva ku tshembheka ka mbilu ya wena, hi xona xivangelo xa kuva Ndzi nga ku pfumeleli u Ndzi dyohwela.” A hi swona xana? Yi ku, “N’wi tlheriseli nsati wa yena, hikuva wanuna yaloye i muprofeta wa Mina. Kutani handle kaloko u nga tlherisela nsati wa yena endzhaku . . . Nakona u tlhela u n’wi pfumelela a ku khongelela, hayi muprista wa wena. Loko o ka a nga ku khongeleli, tiko ra wena hinkwaro ri fambile.” Amen. Ku ni tintswalo leti hlamarisaka. Hi swona. “Tiko hinkwaro ra wena ri fambile. Yaloye i nsati wa wanuna un’wana, nakona hi yena muprofeta wa Mina.” Amen. Sweswo HI LESWI HOSI YI SWI VULAKA. Yalawa i Matsalwa. Hi swona.

²¹³ Sweswi hi kuma leswaku, rifu ri vangiwile. Rifu ri vangiwe hi ku dyoha ka wansati, ri ta hi wansati ku nga ri wanuna. Hi ndlela leyi a hanyisaka xiswona vutomi bya yena, ni hikokwalaho ka yena, rifu hinkwaro ra nghena. Ndlela ya yena yo nyikela vutomi i rifu. I vangani va swi tivaka sweswo xana? Yobo 14, loko mi lava ku ya tsala ehansi Matsalwa.

²¹⁴ Ndzi ni, loko mi ri ni xivutiso xa leswi, ndzi ni Matsalwa lawa ndzi nga matsala ehansi ya swin’wana na swin’wana swa leswi.

²¹⁵ Loko mi lava ku hlaya Yobo 14 lahaya, Yi ri, “Munhu loyi a tswariweke hi wansati u ni masiku ya nga ri mangani, u xurhe

makhombho." A hi swona xana? "Wa mila kukotisa xiluva, wa tsemiwa, kutani wa hundza," ni kuya emahlweni. Wa vona? Munhu un'wana ni un'wana loyi a tswariweke hi wansati, u tswaleriwe erifini tani hiloko a velekiwa.

²¹⁶ Kambe loko a tswariwile eka ntumbuluko wa Xikwembu, a ngaka a nga fi; u le ka Nsinya lowun'wana entangeni wa Eden, Kreste. Vutomi lebyi nga Heriki byi ta hi Nsinya.

²¹⁷ "Oho," mi ri, "wansati a ri nsinya?" Hakunene. "Kunene, va ri, 'U nga tshuki u kha eka nsinya lowu.' Xikwembu xi teri, eka Genesa endzhaku lahay, 'U nga tshuki u kha eka nsinya lowu.'"

²¹⁸ Hikokwalaho ka yini, wansati hi yena nsinya. Hi yena muhandzu wa nsinya. Mi mihandzu ya vo mhana n'wina. Mihandzu ya xivelekelo hi n'wina. Hi swona sweswo. Kutani Nsinya wa muhandzu wa Vutomi, lowu a wu ri entangeni wa Eden, i Kreste. Eka wansati ku ta rifu; eka Wanuna, eka ntumbuluko wo sungula, ku ta Vutomi. Ku tswariwa hi wansati i rifu; ku tswariwa hi Kreste i Vutomi. Ma yi kuma miehleketo ley? Kwalaho hi kona. Sweswi ma ku vona laha xikwembu nyana xa xisati xi yaka kona, a mi ku voni xana?

²¹⁹ Adam wo sungula na evha i xifaniso xa Adam na Evha wa vumbirhi, wa vona, ku andza. Sweswi ku andza ka Adam na Evha i kuya hi timhaka ta masangu, ku tata misava, kambe a swi nga ri tano emasungulen. Xikwembu xi endlile xa xinuna ni xa xisati, tani hilaha Xi swi endleke eka swivumbiwa leswin'wana swa Xona, wa vona, hi nawu, ntsena ku kotisa Kereke.

²²⁰ Sweswi mi nge hi ku, eka ku kombisa ka Mintiyiso ley? ya Xikwembu ley? nga ni vumbboni, hi nga kambisisa kuya emahlweni, loko mi swi tsakela. [Nhlengeletano yi ku, "Amen."—Muhleri.] Swi lulamile. Sweswi leswi swi nga ha mpfatlanya nyana swintsongo ku kondza hi fika emakumu ka swona, kambe ntsena ndzi ta ya ndzi ya mi komba Ntiyiso wa swona.

²²¹ Kuhava muvuri wa rito loyi a nga tekaka muferiwa. A mi switiva sweswo xana? Ma swi lava ku swi hlaya sweswo xana? Hi swona, mi swi kuma eka Tilevitika, Levitika 21:7 na Ezekiel 44:22, kutani Yi ta mikombisa leswaku la nga eka vuprista a nga fanelanga a teka wansati loyi a nga khumbhiwa hi wanuna. Muxaka lowu i wa wanhwana Mutekiwa wa Yesu Kreste, hikuva va khoma Ndzilo wa Xikwembu, va endla sweswo vaprista, vana va Arone va xinuna. A hi na nkarhi wa kuva hi Yi hlaya hinkwayo, hi tlhela hi huma hi ndzhengha, ha ha ri na makume mbirhi wa timinetse sweswi. Nakona eka vona a kuri vana va Arone va xinuna lava a va—va—va khoma Ndzilo wa Xikwembu, swingaleswi a va nga ta swikota ku teka wansati loyi a nga khumbhiwa hi wanuna un'wana. Xikwembu

lexi nga hundzukiki xi vule tano. Va ngaka va nga teki wansati un'wana, ni wansati loyi a nga khumbhiwa hi wanuna, swi kombisa xifaniso xa swona lahawani, loko mi lava ku swi vona, leswaku Kereke ya Xikwembu lexi hanyaka yi tengile, leri nga hungukiwangiki, Rito ra Xikwembu, ku nga ri dinominexini leyi yi nga khomiwa hi munhu.

²²² Xiyaxiyani, a hi hlayeni leswi lahawani. Ndzi lava ku mi kumela leswi. Matewu 5, Yesu wa vulavula lahawani hi swin'wana swintsongo swa nkoka hakunene. Hi lava ku swi vona, Matewu 5. Ndzi swi tsarile eka ya mina . . .

²²³ Ndzi marakile swin'wana swa swilo leswi a ndzi ya eku swivulen i ntsena eka wanuna, a ndzi miyerile nyana xinkadyana xintsongo ku swi vula eka va sesi va hina. Kambe ndzi lava ku—ku huma lahawani ku nga se va . . .

²²⁴ Sweswi, sesi, ndzi lava ku ku veka endhawini leyi Rito ra Xikwembu ri nga ku tshembhisa kona, kutani u ta swivona kutani u tshama endhawini yaleyo, na wena.

²²⁵ Matewu 5:32. Ndzi mi lava leswaku mi tekela enhlokweni lahawani, ku seketela miehleketo leyi yi fanaka ya “un'we” ni “votala.” Matewu, makume nharhu—. . . Ndzi pfumela leswaku i Matewu 5:32, 31 ku sungula hi yona.

*Ku vuriwile kambe, va te, Loko munhu a tshika nsati
wa yena, a n'wi nyike tsalwa ra ku n'wi tshika:*

²²⁶ Yaloye i Yesu a vulavulaka, Loyi a nge teri, “kusukela ekusunguleni.” Sweswi langutani.

*Kambe mina ndzi ri ka n'wina, Munhu hambi a ri
mani na mani la tshikaka nsati wa yena, loko . . . ku
nga ri hi mhaka ya vuoswi, u n'wi endla leswaku
a hundzuka muoswi; wa vona, hambi a ri mani na
mani la tshikaka nsati wa yena, loko . . . ku nga ri hi
mhaka ya vuoswi, u n'wi endla leswaku a hundzuka
muoswi: (hikokwalaho ka yini? U ta tlhela a tekiwa
nakambe) kutani un'wana na un'wana la tekaka loyi a
tshikiweke u ni vuoswi.*

²²⁷ Wa vona, u ni nuna loyi a hanyaka, swingaleswi kuhava wanuna loyi a nga n'wi tekaka. A swi na mhaka leswaku u endla yini ni leswaku hi yena mani, u ni nuna loyi a hanyaka, kuhava misava ya yena. Kambe, a swi tano, eka wanuna. “Swivangele wansati,” kungari wanuna. Ma swi kuma? Mi fanele ku endla Rito leswaku ri famba ku yisa emahlweni. Wa vona, ku hava leswi swi vulaka leswaku wanuna a nge swikoti, kambe wansati a nge swikoti. Wa vona, “swi vangele wansati,” kungari wanuna. Sweswo hi swona hakunene leswi Bibebe yi swivulaka, “swi vangele wansati.” A swi yi hi ku lwisana na wanuna leswaku a tlhela a teka, kambe hi “wansati.” Hikokwalaho ka yini? Kreste eka xifananiso.

²²⁸ Xiyisisani, swi sungule hi ku wanuna a ngaka a nga swikoti ku tlhela a teka, ntsena wanhwana la nga tiviki wanuna. A nga ha tlhela a teka. A nga ha swi endla, a nga ha teka nakambe loko ntsena a ri wanhwana loyi a nga tiviki wanuna, kambe a ngaka a nga teki nsati wa un'wana. A swi tano hakunene. Kutani loko a nga teka wansati la nga tshikiwa, swi ri u hanya evuoswini, a ndzi na mhaka ni leswaku u mani. Bibele yi teri, "Loyi a tekaka loyi a nga hlongoriwa, u hanya evuoswini." Kwalaho mi nga kona, a kuna ku thalana.

²²⁹ Maswivona leswi a swi ri swa xiviri endzhaku lahaya, "kusukela emasunguleni," sweswi? Ku teka nakambe, sweswi xiyisisani, a nga ha swikota, kambe wansati a nge swikoti. Tani hi Davida, tani hi Solomon, tani hi ku yisa emahlweni ka Bibele hinkwayo, sweswi, swa ha fana ni swa Davida ni hinkwavo ka vona.

²³⁰ Sweswi mi swi tekela enhlokweni eka Vakorinto vo Sungula 7:10, xiyisisani, Paul u lerisile nsati leswaku, loyi a tshikaka nuna wa yena, u fanele ku tshamisa xisweswo a nga ha tekiwi kumbe va tlhela va rivalelana, hayi ku tekiwa ravumbirhi. Wansati u fanele ku tshamisa xisweswo, kumbe a rivalelana ni nuna wa yena. A ngaka a nga tlheli a tekiwa ra vumbirhi. U boheka ku tshama a ri swakwe, kambe, xiyisisani, a nga kalanga a vula nchumu hi wanuna. Wa vona, a wu nge swikoti ku endla Rito leswaku ri va vunwa. "Kusukela ekusunguleni," nawu wa timhaka ta masangu hi tshengwe. Sweswi, Rito ra Xikwembu ri famba hi ntiyiso hi ntumbuluko wa Xikwembu, ri famba hi ku yisa emahlweni.

²³¹ Ma swi vona hilaha xikolo xin'wana xiyeke hakona evuxeni, kutani lexin'wana xi ya evupela-dyambu, eka swona? Mi fanele ku vuyela endzhaku eka Ntiyiso, ku kumisia leswi swi nga xiswona.

²³² Swi hi ndlela yaleylo minkarhi hinkwayo, walowo i ntwanano wa ntolovelu na Xikwembu kusukela ekusunguleni. *Xo sungula*, ku nga se fika masungulo, kusukela ekusunguleni a kuri na un'we un'we ntsena. *Endzhaku* kaloko vudyoho byi nghenile, kutani ku vile ni wanuna un'we ni ntlawa wa vavasati; swi fambisa xisweswo eka ntumbuluko, xiharhi xin'wana ni xin'wana, ni swivumbiwa swa ximunhu ni nyama ya ntumbuluko i vuharhi. Hinkwerhu hi vaan'wisi, ha switiva sweswo, hinkwerhu ka hina, wa vona, nakona hinkwaswo kova ntumbuluko wa Xikwembu lowu wu yaka emahlweni.

²³³ Kambe sweswi sweswo i Swilemo leswi swi nga pfuriwa, Moya wa Ntiyiso wu hi kongomisa eRitweni. Leswi swi hlamuselaka leswaku hikokwalaho ka yini a kuri ni swihoxo kuya ehansi eka tinguva, hikuva Swilemo a swi nga lemuriwanga, Leswi a swi nga paluxiwanga. Swi ntiyiso.

²³⁴ Xiyisisani, n'wina, a mi nge swikoti ku endla mindzhuti leswaku yi hluleka. Tani hilaha ndzi mi chumayeleleke madyambu ya tolo hikokwalaho ka ndzhuti lowu wu nga ehansi, wu fanele wu humela ehandle. Swi nga endlikisa ku yini leswaku ndzhuti wa ndlopfu wu ta ehansi, ni lontsongo ngopfu, munhu loyi a nga eku ndiwilikeni a ta a fika a va ndlopfu, kumbe ndlopfu yi va lontsongo, munhu loyi a ndiwilikaka xana?

²³⁵ Sweswi loko mi nga swi xiyisia eka xifaniso lexi hetisekeke.

²³⁶ Sweswi, kuni wansati wa ntiiyiso, wansati wa ntiiyiso, wanhwana loyi a nga tiviki wanuna, loyi a tekiwaka hi nuna wa yena, kutani va hanya, nakona i nchumu lowu wu nga katekisiwa eka wanuna. Loko Xikwembu xi nga ha nyika n'wana wa Xona nchumu wun'wana wo antswa wo tlula wansati, Xi nga ha n'wi nyika sweswo eka yena.

²³⁷ Kambe u kunguhatiwe ku endla timhaka ta masangu, nakona kuhava xiharhi xin'wana lexi xi nga kunguhatiwa hi ndlela yaleyo. Kuhava xivumbiwa xin'wana emisaveni lexi nga kunguhatiwa hi ndlela yaleyo. Hi xona xivangelo mi vonaka tshengwe, hikokwalaho ka sweswo. Sweswo hi swona swi nga ri nghenisa.

²³⁸ Sweswi langutani, eka vukambisisi byo hetelela, langutani, ku ni Yesu Kreste un'we (a hi swona xana?), Munhu un'we, Xikwembu, Emanuel. Ma swi pfumela sweswo xana? [Nhlengelato yi ku, "Amen."—Muhleri.] Kambe swirho swa Nsati wa Yena swi tele, wa vona, magidi ku andzisa hi magidi ya magidi (a hi swona xana?), Nsati wa Yena, Mutekiwa, Kereke. Ma swi twisisa sweswi xana? ["Amen."]

²³⁹ Sweswo hi swona swi endleke Xi ku eka Adam, timhaka ta masangu ti nga se susumetiwa kumbe ku tivisiwa, "Ku andza, ku tata misava," loko a ha ri emasunguleni, loko a ha ri havumbirhi wa xinuna ni wa xisati eka yena n'winyi. Kwalahaya, swikombiso leswaku Mutekiwa u fanele ku ta a huma eka Rito, hi ku andzisa ka ximoya, ku andza, wa vona, ku tata misava.

²⁴⁰ Sweswi eka ku endla timhaka ta masangu, wa vona, swikolo swi na swilo leswi swimbirhi swi nga hlanganana. Swingaleswi a mi nge swikoti ku swi endla, mi fanele ku swi tlherisela endzhaku eka Ntiyiso wa swona, "emasunguleni."

²⁴¹ Nakona ekuheteleleni ku tava kuri na Hosi Yesu un'we, ni Makoti wa Yena votala, eka vun'we. Ma swi kuma xana? A kuri na Davida un'we exiluveweni, hosi yin'we (endzhaku ka mbilu leyi yi nga ya Xikwembu xona N'winyi) ni vavasati va ntlhanu wa madzana. Yesu u tshamile eka Xiluvelo xa Yena, haleluya, eka Miliniyamu, ni Nsati; ku kotisa leswi a swi ri xiswona

emasunguleni, swi tumbuluxiwile swi huma emisaveni, hi voko ra Xikwembu xa Matimba hinkwawo, eka ku pfuka ka vafi, ka swirho swo tala. Kwalaho mi nga kona.

²⁴² Vavasati, tikarhateleni kuva sweswo, tanani eka Kreste, swingaleswi a mi nge kumeki mi ri eka futa lero ra thyaka leri nga lahay. Kambe tani hiloko mi ri xirho xa kereke lexi xi ringetaka ku hanya vunene ni vukahle, n'wina hi n'wexe, a mi nge swikoti. Hambi kuri wanuna a nga swi endla a ri ehandle ka Kreste. Tani hilaha Paul a nga ya emahlweni a ku, "Kambe va le ka Kreste, kuhava hambi i wa xinuna kumbe wa xisati." Hinkwaswo i van'we.

²⁴³ Kambe ku kuma *Vukati Ni Ku Thalana* loku ku tiyisisiweke, swingaleswi mi ta switiva leswaku hi wihi wa ntiyiso ni leswaku hi wihi la hoxisaka, sweswi Xi swikombisa kahle erivaleni lahawani eka swifaniso leswi. Kuni Kreste un'we; ni swirho swotala swa Nsati yaloye. Xiyisisani, A nga hi hlongola hikwalaho ka vuoswi bya ximoya ni dyondzo leyi nga hoxeka, nkarhi wun'wana ni wun'wana lowu Xi wu lavaka; kambe wova ximphuta xa njhani loko u ringeta ku N'wi hlongola, ni ku swi endla? Wanuna a nga ha hlongola nsati wa yena a teka un'wana; kambe kungari leswaku wansati hi yena a hlongolaka nuna a teka hi un'wana. Ma yi vona mindzhuti hinkwayo ni kuva xifaniso xa ku hetiseka loku ku nga balansa? Ma wu vona ntumbuluko wo sungula; ku nga ri leswi swi humesiweke kun'wana kuri hava na kan'we. Ku nga ri kereke; Mutekiwa kuya hi Rito. Ku nga ri wansati; wanuna, nkarhi wun'wana. Hi yona mhaka a swi kali swi vula nchumu ku lwisana na wanuna loko a swi endla; minkarhi hinkwayo i wansati. Hi swona hakunene.

²⁴⁴ Kambe a nga hava Mutekiwa wa Kreste, hikuva . . . Nakona tsundzukani, a ri xiave xa wanuna, Bibele yi teri a nga ha- . . . "Hambi swi ri tano a ndzi pfumeleli wansati ku chumayela, kumbe ku lerisa hi ndlela yihi na yihi, kambe a tshame a miyerile. Hikuva Adam hi yena wo sungula ku tumbuluxiwa, ku landzela Evha. Nakona a hi Adam a nga xisiwa, kambe leswi swi humesiweke eka yena hi swona swi nga xisiwa. Hambi swi ri tano u ta ponisiwa *loko* a tshama eku kwetsimeni niku chava, ni le ku tswaleni ka vana, ni hinkwaswo swo kotisa sweswo," hikokwalaho u tava xiphemu xa wanuna loyi. Sweswo hi swona swi tisaka . . .

²⁴⁵ Hikokwalaho ka yini Abraham a nga . . . Hikokwalaho ka yini Xikwembu xi nga n'wi dlayanga Sarah loko a tshamile ehansi lahay, a ri karhi a ala, ni kuva a hemba emahlweni ka Xikwembu xana? Xi tshamile lahay tani hi Munhu loyi a bolaka, xi dya nyama, xi dya na xinkwa, xi nwa na masi, kutani Xi ku, "Hikokwalaho ka yini Sarah a

hleka lahaya endzhaku,” endzhaku ka Xona, etendeni, Xi nga n’wi vonanga, “loko a ku, ‘Swi nga endlekisa ku yini swilo leswi?’”

²⁴⁶ Wansati a ku, “A ndzi swivulanga!” A yee, mina, u byela Xikwembu leswaku hi Xona muhembii, exikandzeni xa Xona? Kambe a Xi kalanga xi n’wi teka. Hikokwalaho ka yini? A ri xiphemu xa Abraham. Amen. A Xi nga ta n’wi vavisa handle ko vavisa Abraham.

²⁴⁷ Sweswi n’wina vavasati ma ku vona laha mi welaka kona. Nakona Bibebe yi teri, “N’wina vavasati kotisani Sarah leswi a ri xiswona, loyi a nga ambala tinguvu leti faneleke, a hanya hi ku tshembheka ni hi ntiyiso eka nuna loyi a nga wa yena, a ri karhi a n’wi rhandza swinene laha (wanuna) a nga n’wi vitana ‘hosii,’” ya yena, mufumi, loyi a fumaka.

²⁴⁸ Kutani n’wina, van’wana va vavasati, vo ambala swiambalo leswi swo nyenjetsa va huma va ya tihoa emahlweni ka vavanuna. Yesu u teri, “Loyi a langutaka wansati hi ku n’wi navela u n’wi oswile embilwini ya yena.” Swingaleswi i mani loyi a nga na nandzu, wanuna kumbe wena ke? I wa xinuna, u endlisiwe xisweswo leswaku a nga teka maendlelo lawa, wa vona; kutani n’wina mi va xisati, hi n’wina lava mi fanelaka ku ala.

²⁴⁹ Kutani hikokwalaho ka yini mi ti humesisa hi ndlela yaleyo xana? A hi ku hlayiseka sweswo, ma swi tiva leswaku a swi ngevi tano, loko u khomeriwele ro fa hi gwitsi eka xiphemu ni swokoma swa vona va swi ambaleke. Wa vona, u ngaka u nga hlayiseki. Swingaleswi i yini? I swa thyaka! Mi ngaka mi nga swi amukeli, kambe i Bibebe yi vulaka tano. I Ntiyiso. I moyo wa thyaka lowu wu nga eka n’wina. A mi fanelanga mi thyaka; kambe a mi swi tekeli enhlokweni, hi ximoya mi thyakile, hikuva mi ti kombisa thyaka n’wina hi n’wexe.

²⁵⁰ Sweswi, wanuna, vukhale bya yena, yo thyaka, matsolo ya yena ya mafundzu, kutani loko a ambarile swiambalo swin’wana hi ku tika, a swi nge kali swi endla ku hambana, miri wa yena a wu ringi. Hikokwalaho ka yini? U le ka ntumbuluko wo sungula, yumunhu; byi tano, wa vona. Kambe, n’wina mi lava humesiweke eka yena, leswaku mi ta ringa.

²⁵¹ Xikwembu, va na ni tintswalo! Oho, mina, misava leyi ya vudyoho! Ndzi ta tsaka loko yi tava yi herile.

²⁵² Xiyisisani, A nga ha hlongola nsati wa Yena nkarhi wihi kumbe wihi loko A swi lava, kambe yena a ngaka a nga N’wi hlongoli; A nga ha ndzi endla mina, A nga ha ndzi cukumetela entshurini nkarhi wun’wana na wun’wana loko A nga tekela enhlokweni, kambe, oho, makwerhu, swa antswa ndzi nga ringeti ku N’wi hoxa lahaya, ndzi herile.

²⁵³ Solomon a ta teka wansati un'wana na un'wana loyi o ka a nga tekiwangiki, a nga ha teka wansati un'wana na un'wana loyi a n'wi lavaka. Muprista a nga teka ntsena wansati loyi a nga nhwana loyi a nga tiviki wanuna. Solomon . . .

²⁵⁴ Kukotisa Davida, u teke (kambe a ri mani vito ra yena?) Abigail. Laha, a kuri ni wanuna loyi a vitaniwa "xiyutha," a ri ni nsati wa kahle, kutani u vuye a lova. Kutani Abigail a tekana na Davida; a ri hosi, ku nga ri muprista, wa vona, swingaleswi u—u tekile.

²⁵⁵ Kambe muprista a ngaka a nga swi endli sweswo, hikuva u khumbhile kumbe ku va ni wansati loyi a fanele kuva nsati wa yena loyi a ri nsati wa wanuna un'wana. Swingaleswi sweswo swi kombisa vunhwana bya Kereke ya Hosi Yesu Kreste, Mutekiwa u fanele a va loyi a nga hungukiwangiki, Rito, ku nga ri na Rito na rin'we leri lahlekaka. Hakunene. Mi nga ha n'wi anakanya mutekiwa loyi a nga wa ntiiyiso, vele rin'we ri sukile, nakona, lerin'wana, swin'wana swi hoxekile, ma swi tiva? Yaloye a ngaka a ngevi Mutekiwa wa Kreste. U hetisekile. I Rito hinkwaro, ku ngari na Rito na rin'we leri welaka kun'wana. Ee.

²⁵⁶ Xiyisisani, A nga ha n'wi hlongola, kambe wansati a ngaka a nga N'wi hlongoli yena. U swi endlile, u swi khorwisile, emasikwini lawa ya Luther, Wesley, na Pentekosta, loko va tava va arile kuva xiphemu xin'wana xa Yena hi kuva va va ni timhaka ta masangu ya ximoya leswaku va va vayimani va xiphemu xin'wana xa Rito. Ma swi twisia xana? Wansati u arile. Kereke ya Lutheran yi alele Kreste leswaku a nga hava niku tsakela ko hlaya na yena; Luther u swi arile. Kutani mi nge ndzi vula leswi, kuya mi ya ndzi vitana swin'wana hi ndlela yin'wana; swingaleswi swi tano namuntlha ni un'wana ni un'wana wa vona, va hlulekile ku teka Rito lero, va arile Kreste!

²⁵⁷ Kutani wansati un'wana na un'wana loyi a alaka ku kumela wanuna n'wana, a nga na nfanelo ya kuva nsati wa yena. Amen. Ma swi tsundzuka, eBibeleni, loko hosi yi ta vuta Esther? Hikwalaho hosikazi yi arile, hiloko a n'wi kumela un'wana. Kutani loko . . . Ku humelele yini loko a tava a arile ku huma na hosi niku yi yingisela? Swa ha fana ni wansati loyi a alaka ku va nsati eka nuna wa yena.

²⁵⁸ Kutani swi tano nile ka kereke leyи alaka kuva muyimani eka nguva leyи hi hanyaka eka yona, ku ta tswala vana va nguva ya leyи. A hi Mulutere, a hi Mawesley, hambi kuri Mapentekostal! Hi fanele kuva vana va nguva leyи, kuya hi vuyimani bya Rito ra Xikwembu, ku ta tswala N'wana wa nguva ya leyи, N'wana wa Mbewu. Amen. Ndza pfumela ma swi twisia. A ngaka a nga endlwi muyimani, ee, swingaleswi

U endla yini xana? Wa n'wi tshika, hi ku n'wi thala. Hi swona sweswo. Kambe wansati a nga na xitiya-nhlana xo N'wi hlongola yena. Yena hi yena a hlongolaka wansati.

²⁵⁹ U yile emahlweni a paluxa Rito ra Yena eka Miri, niku N'wi kombisa, ku fana, hi yena hi Yexe. Vana va Yena va sungula ku languteka va fana na Yena swinene, hikuva Ri yupfile hi ku hetiseka, kumbe, va va vana va Rito, ku nga ri vana va kereke. Vana va Rito! Kutani Mutekiwa u tava a ri Manana lontsongo la rhandzekaka wa Rito, loyi a nga hungukiwangiki, loyi oka a nga khumbhiwangiki hi nhlangano wun'wana wa munhu, dyondzo ya mianakanyo leyi nga endliwa hi munhu. U tava a tengile a nga hungukiwanga, Mutekiwa wa Rito! Amen na Amen! Ndza tshembha ma swi kuma sweswo, ehandle emoyeni. U tava a ri ntombhi leyi yi nga endliwa vuyimani wa Xikwembu.

²⁶⁰ Ma ku vona ku xixima loku ka kahle ka wansati loku a nga vaka xiswona xana? Ma swi vona swilo swa kahle leswi kereke yi nga vaka xiswona, kambe mi vona laha thyaka ri nga n'wi yisa kona? Kutani ringetani ku pimanyisa kereke leyi nga lahaya ni Kereke leyi nga lahawani, a mi nge swikoti. Ni ku ringeta ku pimanyisa ngwavavani ya le xitarateni na Kereke ya Xikwembu lexi hanyaka; kumbe wansati, wansati loyi a nga lulama, na ngwavavani?

²⁶¹ Hikokwalaho ka yini kuri ni swilo swo kotisa sweswo xana? I nawu wa Xikwembu, nawu wo kanetana. Hi nga switiva njhani leswaku hi nga tiphinisa ku yini loko rixile loko ku nga ri ni vusiku xana? Hi nga switiva njhani ku tiphina hi laha ku omeke loko a ku nga ri na mpfula xana? A hi ta swi tiva njhani hi ku tiphina niku xixima wansati wa xiviri, loko a ku nga ri ni lowa thyaka xana?

²⁶² Xi yile emahlweni ni ku Ri paluxa, ku paluxa Rito ra Xona, kambe kuni un'wana wa hina loyi a nga chaviki ku ringeta ku Xi hlongola a teka un'wana.

²⁶³ Sweswi hakunene swi le rivaleni leswaku hikokwalaho ka yini mianakanyo leyi yimbirhi yi hoxile. A wu nge swikoti ku yi endla yi famba hi ndlela *leyi*, yi fambile; loko u yi endla yi fambisa *xisweswo*, yi ta famba yi tlula yi hundza xitsembhiso. Hi *lexi* xitsembhiso, hi lowu nchumu kwalahawani. Rito a ri kali ri kanetana. Ri fanele ku tshama eka ku yisa emahlweni sweswi, ka ha rihava leswaku Matewu 28:19 yi ta kanetana na Mintirho 2:38.

²⁶⁴ Sweswi, van'wana va n'wina vavasati, van'wana va n'wina vavanuna, ndza—ndza switiva leswaku a mi—mi yimi na Rona. Hikuva, ma swi tiva, mi ngaka mi nga swi tumbeti sweswo sweswi. A mi nge swikoti.

²⁶⁵ Kambe ndzi pfumeleleni ndzi mi komba swin'wana. Loko Matewu 28:19 yi teri, "Yanani hakona, mi ya dyondzisa matiko

hinkwawo, mi va khuvula hi Vito ra Tatana, ni ra N'wana, ni ra Moya wo Kwetsima," kutani va hundzuluka, nakona munhu un'wana na un'wana loyi a nga tshama a khuvuriwa ku khuvuriwa ku hambana ni sweswo, va khuvuriwile hi Vito ra Yesu Kreste, hambi kuri kusukela ehansi eka tinguva ta Bibele ni le ka malembe ya madzana manharhu endzhaku ka nguva ya Bibele, eka Nicaea Council. Swingaleswi va tekelerile mafambiselo ya kereke ematshan'wini. Hi kwihi ku hambana, loko swi nga paluxiwanga xana?

²⁶⁶ Kutani ma yi tiva Buku hinkwayo, Bibele hinkwayo, leswaku i nhlavutelo xana? Sweswo hi swona swi endlaka leswaku mi tiva ntiyiso exikarhi ka lowu ni wun'wana, swi hikokwalaho ka kuva yi Ri nhlavutelo. Nakona nhlavutelo wu boheka ku va swin'we na Rito, ku nga ri ku hambana na Rito. Mi ri, "Kunene, mina, yi hlavuteriwile eka mina." Kutani loko swi hambana na Rito, a swi kali swi huma eka Xikwembu. Hi swona sweswo.

²⁶⁷ Sweswi loko mi lava ku teka Mate-... Matewu 16:18. Yesu u teri, yena hi Yexe, leswaku Kereke ya khale, Kereke ya Yena, yi ta akiwa ehenhleni ka nhlavutelo wa ximoya wa yena N'winyi, laha ku nga Rito. "Ndzi ri eka wena, hi leswaku u Petro... A hi nyama ni ngati swi nga ku hlavutela, kambe i Tatana wa Mina loyi a nga Matilweni a nga ku hlavutela swona. Kutani ehenhleni ka ribye leri..."

²⁶⁸ Sweswi, ndza switiva, vanghana va hina va Khatholiki kwalaho, mi ri, "Yi akiwile ehenhleni ka Petro, nakona Petro wa muapostola, swingaleswi, *So-na-so*, eka ku kholwa ka xiapostola, ku longoloka."

Maprotestant ya ri, "Yi akiwile ehenhleni ka Yesu Kreste."

²⁶⁹ Ku nga ri leswaku swi hambanile, kambe tekani ntsena leswi A nga swivula! U teri, "A hi nyama ni ngati swi nga ku hlavutela leswi, kambe i Tatana wa Mina a nga eMatilweni a nga ku hlavutela swona. Kutani ehenhleni ka ribye leri, nhlavutelo wa ximoya wa leswi Rito ri nga xiswona, Ndzi ta aka Kereke ya Mina; kutani tinyangwa ta xivandla xa vafi ti ngaka ti nga Yi ninginisi yi wela ehansi." Nsati wa Yena a ngaka a nga ringihi hi vavanuna van'wana. "Ndzi ta aka Kereke ya Mina, nakona tinyangwa ta xivandla xa vafi ti ngaka ti nga Yi ninginisi."

²⁷⁰ Kutani Abel na Kayini, entangeni wa Eden. Kayini u tisile mavonelo lawa ya nga ya yena, a ku, "Sweswi, langutani, Xikwembu i Xikwembu xa kahle. Xi le ka ntumbuluko hinkwawo, swingaleswi ndzi ta kuma tinyawa na madzambhala, ndzi thlela ndzi kuma na-na swiluva, kutani ndzi ta Xi endlela altari yo saseka hakunene." Yaleyo i kereke. U khizamile ehansi. A pfumela eka Xikwembu. A gandzela

Xikwembu, a yimisela mavoko ya yena ehenhla, kutani a nyikela gandzelo leri. U endlile hinkwaswo hi vukhongeri leswi Abel a nga swi endla.

²⁷¹ Abel u akile muxaka wun'we wa altari. Kambe loko Abel a tisa xa yena, a tisa xinyimpfana. Sweswi, Kayini a ehleketa leswaku, ku endla murhi wa vudyoho, hi leswaku tatana wa yena na manana wa yena va fanele ku dya muhandzu, tani hilaha va nga dyondzisiwa hakona entangeni wa lowo. Kambe Abel, hi nhlavutelo wa Vukwembu, u swi tivile leswaku i ngati yi nga swi endla. Hi nhlavutelo wa Vukwembu! Nakona Bibele yi teri eka Vaheveru, ndzimana ya vu12, ndzimana ya vu11, leswaku, "Abel, hi ripfumelo, nhlavutelo, u nyikerile Xikwembu hi gandzelo leri hetisekeke ktlula Kayini, hilaha Xikwembu xi nga nyika vumbhoni bya leswaku a lulamile." A hi swona xana? [Nhlengeletano yi ku, "Amen."—Muhleri.] Amen! Buti, sesi, swo va arivaleni tani hilaha swin'wana na swin'wana swi nga vaka xiswona, eka mina. Ku ni nchumu hinkwawo.

²⁷² Sweswi eka *Vukati Ni Ku Thalana*, wa vona, swi fanele ku paluxiwa. Ku kondza swi paluxiwa, a mi swi tivi. Kambe U tshembhisile eka masiku lawa yo hetelela, eka nguva ley, leswaku xihundla xihi na xihi lexi nga eBibeleni xi ta paluxiwa. I vangani lava va swi tivaka sweswo? Nhlavutelo, papila ra vu10! Yesu u swi tshembhisile, leswaku hinkwaswo swihundla leswi swi fihliweke eka—eka *Vukati Ni Ku Thalana*, hinkwaswo swihundla leswin'wana leswi swi tumbetiweke kusukela, swi ta paluxiwa enkarhini wa makumu. Sweswi ma swi tsundzuka, Rito ri te, "Famba eTucson." Ma ri tsundzuka Rivoni ra xihundla exibakabaken; Ntsumi ya vunkombo ley yi yimeke kwalahaya; yi tlhele yi vuya, niku lemulula Swilemo Swa Nkombo? Hi hlalela leswi swi nga humeleta. Walowo i ntiyiso.

²⁷³ Sweswi mi nge hi yisa nyana swintsongo emahlweni. Kambe sweswi yingisani, n'wina! Ndza switiva leswaku ku fikile nkarhi wa n'wina wo dya, kambe ntsena ndzi dya kahle. [Nhlengeletano yi ku, "Amen."—Muhleri.]

²⁷⁴ Xiyisisani, sweswi, wansati u kumile ndhawu ya yena, nakona wansati i ribye ra nkoka. Solomon, wanuna loyi a ri na khume ra magidi ra vavasati...kumbe a ri ni vavasati va gidi, kumbexani, a vula leswaku, "Wanuna loyi a kumaka nsati, u kume nchumu wa kahle." A ku, "Wansati wa kahle i ribye ra nkoka eka xidlodlo xa yena," sweswo i ku xixima. "Kambe loyi o ka a nga lulamangiki i mati engatini ya yena," byebyo i vutomi bya yena. A ku, "Ku nga ha kumeka wanuna un'we la lulameke eka gidi ra vona," i Solomon a nga vula leswi, "kambe," a ku, "a wu nge n'wi kumi wansati un'we la lulameke eka gidi ra vona." Solomon u vule tano, wa vona. Sweswi xiyisisani leswaku, sweswo hi leswi swi nga xiswona.

²⁷⁵ Kambe, ma swi vona, wansati, mi—mi ribye ra nkoka loko mi lava kuva ribye ra nkoka, kambe ku tsakela ku fanele kuva kuri ka n'wina. Kutani ma swi vona leswi *Vukati Ni Ku Thalana* byi nga xiswona, Yesu yaloye u kombetile endzhaku halahaya, swi hikokwalaho ka kuva vunene bya n'wina byi vangile vudyoho hinkwabyo. Hi xona xivangelo xa tshengwe na ku thalana, ni swin'wana, swi tivisiweke. Emasunguleni a swi kalanga swi va tano, nakona a swi ngevi tano eka misava leyi nga halahaya.

²⁷⁶ Langutani Yakobo, laha eka yena ku humaka vapatriarka. A ri na kwalomu ka dozene wa vavasati. U tekile vasesi vambirhi, nakona a ri na vavasati va swigangu ehandleni ka valava, kuya hi nawu i vavasati lava a nga tshama na vona. Kutani vapatriarka lava va tswariwile hi vavasati lava va swigangu. A hi swona xana? [Nhlengelatano yi ku, “Amen.”—Muhleri.] Wa vona, u fanele u endle Rito leswaku ri famba hi ku olova.

²⁷⁷ Oho, ndzi na tipheji ta swona. Loko mufundhis a nga ndzi vutisa ha swona, nakona hi kumeka kun'we, hi nga ha vulavula ha swona. Kambe hakunene, loko a ri na swa ximoya eka hinkwaswo, a nga ha swi vona lahawani leswaku i Ntiyiso. Kuhava xivutiso eka Rona.

²⁷⁸ Wansati wa kahle i nchumu wa kahle. Ndza switiva sweswo. Ndza switiva leswaku swi hi wansati lonene. Ndzi hlanganile ni wansati lonene la nga wa xiviri, lonene ntsena tani hi wanuna un'wana ni un'wana loyi a nga tshama a famba.

²⁷⁹ Hi loyi a humesiweke nikuva xiphemu xa yena, kutani eka kuwa wanuna u yingiserile yena. Ntsena u... U xiphemu xa wanuna. Kambe, swi le ka yena, u endliwe leswaku a ta kota ku thyaka, nakona u nyikiwile nfanelo yo ala niku pfumela. Sweswo swi hambana ni ntumbuluko wa xiviri wa le masunguleni, wa vona, kambe kwalaho mi tano.

²⁸⁰ Sweswi i awara ya khume mbirhi, swingaleswi ntsena ndzi ta tlula swin'wana lahawani eka timinetse tintsongo. Ndzi lava ku mi vutisa swin'wana.

²⁸¹ Sweswi, tsundzukani, ndzi vula leswi ntsena eka ntlawa wa mina ntsena. Na le handle emoyeni, ndzi vula leswi ntsena eka valandzeri va mina ntsena. Hungu leri i ra vona ntsena, ni leswi ndzi lavaka ku swi vula lahawani.

²⁸² Muministara un'wana na un'wana, yena, loyi a nga yena, ina, a nga murisi wa vanhu, n'wi tshikeni a endla hilaha a lavaka ha kona. Sweswo swile ka yena na Xikwembu. Muprista un'wana na un'wana, muchumayeri un'wana na un'wana, sweswo swile ka wena, makwerhu wa mina.

²⁸³ Ntsena ndzi vulavula ndzi ri kwalahawani eJeffersonville, ndzhawu leyi yi nga yoxe laha ndzi nga vulavulaka leswi,

swi hikokwalaho ka vanhu lava va nga va mina. I vanhu lava Moya wo Kwetsima wu nga ndzi nyika ku twisisa leswaku wu va mulanguteri, nakona U ta byarha vutihlamuleri bya mina eka swona. Kutani vanhu lava va mina va vile vahundzuki kusukela kwalahawani kurbhendzeleka hi tiko, lava ndzi nga va yisa eka Kreste. Kutani, vana lava ntsongo, ndzi kona lahwani ku ta mi pfuna, nakona ndzi munghana wa n'wina. Mi nga ha ehleketa leswaku ndzi vulavula hi ku lwisana na n'wina; ndzi vula leswi, wa vona, hikuva mi kahle. Ndza mi rhandza. Kutani loko sweswo swi nga ri tano, Xikwembu hi xona Muavanyisi wa mina. Ma swi tiva leswaku ndza mi rhandza.

²⁸⁴ Lowu i nchumu lowu wu chavisaka lowu wu tiyeke, a ndzi switivi leswaku ndzi nga wu humesisa ku yini. Ndzi nga endla yini, loko ndzi ta kuma vavanuna ni vavasati va tshamile eka nhlengeletano ya mina, van'wana va vona va teke kambirhi kumbe kanharhu? Vavanuna va kahle ni vavasati va kahle, hikwenu mihangananile! I ncini swi nga swi endla? Dyondzo ya vunwa, hakunene, ku nga ri ku rindzela Hosi.

²⁸⁵ “Leswi Xikwembu xi nga swi hlanganisa, ku hava munhu loyi a nga swi hambanyisaka.” Ku nga ri leswi swi nga hlanganisiwa hi munhu; leswi “Xikwembu” xi nga swi hlanganisa! Loko hi ri ni nhlavutelo lowo kongoma wu humaka eka Xikwembu, yaloye i nsati wa wena, nakona leswi swi fanaka, sweswo i swa wena, vutomi hinkwabyo bya wena. Wa vona? Kambe leswi swi nga hlanganisa hi munhu, munhu un'wana na un'wana a nga swi hambanyisa. Kambe leswi swi nga hlanganisa hi Xikwembu, kuhava munhu wo antswa la nga ni xitiya-nhlana xo swi khumbha. “Hinkwaswo leswi Xikwembu xi nga swi hlanganisa,” Xi teri, “a swi nge hambanyisi hi munhu.” Hayi un'wana wa majistarata loyi a nga pyopyiwa hafu kumbe swin'wana leswi a nga swi hlanganisa, kumbe muchumayeri un'wana loyi a nga ni nhulu ya milawu ya kereke ebukwini, leyi yi nga ta va pfumelela ku endla swin'wana na swin'wana emisaveni, ni Rito ra Xikwembu leri ri nga tshama lahaya. Wa vona? Ndzi vulavula hi swilo leswi Xikwembu xi nga swi hlanganisa.

²⁸⁶ Sweswi ndzi ya eku vuleni ka leswi eka n'wina. Ndzi na vukheta eka leswi ndzi swivulaka eka n'wina. A ndzi vuli leswaku ndzi fanele ndzi mi tikisela n'wina vanhu. A ndzi nga vuli ku mi tikisela, vamakwerhu wa mina va vafundhisi. A ndzi vuli swona sweswo. Kambe ndzi na vutihlamuleri, hi ku tekela enhlokweni leswaku leswi swi nyiketiwe emavokwени ya mina. Nakona loko... Ndzi ngaka ndzi nga Ri khomeleti. A ndzi switivi leswaku ndzi nga Ri humesisa ku yini, nakona ndza switiva leswaku thepi leyi yi ta swi endla. Oho, mina, ntsena ndzi ta ti lulamisela, hofisi yi pfurile, hikuva hi leswi swa ta. Wa vona?

²⁸⁷ Ntsena ku kotisa loko swi ri eka *Mbewu Ya Nyoka*, kambe hakunene swi kambisisiwile leswaku swi lulamile. Ndzi ni maphepha lahwani, laha maphepheni, laha vavasati sweswi...nakona hambi eka—eka swa kahle...Swin'wana swa swifundzha swa kahle swa vabishopo va ni swifaniso leswi swi nga swa xiviri, nyoka leyi yi kasakasaka enengeni wa wansati, ni leswi yi fambiseke xiswona eka yena; a ri ni muxaka hinkwawo wa vutitwi, ni swin'wana leswi wanuna a nga taka a nga n'wi khumbhi ha swona, ni nyoka leyi leyikulu yi nga n'wi tsondzela, ni kuya emahlweni. Walowo i ntiyiso hakunene. Nakona swi taya swi nyanya. Nyoka, loyi a nga ri tano, a tava a nga va nga ni timhaka ta masangu na yena loko a ri nyoka, kambe tsundzukani...

²⁸⁸ A ndzi ri na mphikizano wa marito siku rin'wana na...ku nga ri ku phikizana ka marito, ntsena a kova muministara wa Assembly of God hi hlanganile, a ku, "U hoxile, eka Sweswo."

Ndzi ku, "Kunene, ndzi nga hava ndzi ri tano. Ndzi tsakela leswaku wena u ndzi byela."

²⁸⁹ U vule sweswo kwalaho, a ya emahlweni a sungula ku vulavula hi swona. Xosungula mi xi tivaka, u kumeka a lahlekile yena hi yexe. Kutani nchumu wun'wana a nga wu vula, u teri, "Makwerhu Branham, ri le kwihi rixaka lero? Xikwembu xi teri 'rin'we hi muxaka wa rona.' Sweswi ri le kwihi rixaka lero u nga teri ari ri exikarhi ka munhu na xivandzani, sayense yaleyo yi ngaka yi nga ri kumi sweswi xana? U le kwihi?" A ku, "U kona kwala misaveni xana? Xana a ri chimpanzee xana?"

²⁹⁰ "Ee, hikuva ngati ya chimpanzee yi ngaka yi nga hlangani ni ya wansati, ku hava xiharhi xin'wana lexi xi nga hlanganaka na yena. Ee, swi ngaka swi nga endleki, hambi kuri vununa bya wanuna leswaku byi nga ha hlangana na—na xa xisati. Swi ngaka swi nga endleki."

²⁹¹ "Swingaleswi xi kwihi xiharhi xexiya? Sweswi, Xikwembu xi teri, 'Xin'wana na xin'wana xi fanele ku tswala muxaka lowu wu nga wa xona.'"

²⁹² Ndzi rindzerile nyana minete. Kutani niku nandziha ka Moya wo Kwetsima lowu wu nge te, "N'wi byeli, 'Wu kwalahawani."

Sweswi, ekusungulenii ndzi teri, "Kunene, swi nga ha endleka swiva leswi vonakaka swinene."

A ku, "Kambe, Makwerhu Branham, leswaku, hi vulavula hi Rito, a hi tano xana?"

²⁹³ Ndzi ku, "Ina, nkulukumba." Kutani ndzi ku, "Va, hikuva, va koxa leswaku leswin'wana, tani hi tidayinosorasi ni—ni

ndlopfu leyikulu, ni kuya emahlweni, tindlopfu letikulu, tindlopfu letikulu, kumbexana, hi leswi vonakaka ngopfu, ni kuya emahlweni.” Ndzi ku, “Swi nga hava swi ve xisweswo.”

²⁹⁴ A ku, “Makwerhu Branham, hi vulavula hi leswi swi khorwisaka swa Rito. Loko vudyoho byi ri lahawani; swingaleswi, vudyoho byo sungula, byi fanele byi va kwalahawani na byona.”

²⁹⁵ Hiloko ndzi ku, “Hosi Yesu, U teri, ‘U nga teki mianakanyo ya leswi u nga ta swivila emahlweni ka vanhu, hikuva yi ta nyikiwa eka wena hi awara yaleyo.’ Hosi, hi swihi leswi ndzi nga ta swivila?” U teri, “N’wi byeli, ‘Wu kwalahawani.’” Ntsena ku kotisa leswi ndzi swivulaka tani hiloko ndzi vona swivono eka platifomo.

²⁹⁶ Ndzi ku, “Wu kwalahawani,” hi ngari eku switiveni leswaku hi hikwihi.

A ku, “Kwihi?”

Kutani ndzi nga se ehleketa hambi kuri ku ehleketa, A ku, “I nyoka.”

²⁹⁷ Sweswo hi swona hakunene leswi a swi ri xiswona, hikuva a nga ha ri xivandzani. A rhukaniwile kutani a va loyi a fambaka hi khwiri ra yena masiku ya yena hinkwawo. U kona kwala. A hi swona xana? [Nhlengeletano yi ku, “Amen.” — Muhleri.] Nakona wa ha ri eka maendlelo ya lawa a nga ma endla, kahari vudyoho byebyiya byi tirhaka eka wansati, ku kotisa timhaka ta masangu ta xinuna. Kwalahaya hilaha wansati a ngava eka xiyimo xo vaviseka tinhlo ni swin’wana, loko a tava a vile ni vutitwi bya yena lebyi byi nga ekule nile ka wanuna un’wana na un’wana loyi a nga byi endlaka.

²⁹⁸ Ndzi ta yima kwalaho hikuva hile ka ntshungu lowu wu nga hlanganana. Ndzi ta kuma vavanuna van’wana, ndzi ta...hi ta vulavula swinene hi swona. Ndzi ni maphepha ni hinkwaswo leswi ndzi nga swi veka kwalahawani, kwala evokweni ra mina sweswi, kutani ndzi ta mi nyika swona mixo walowu. Ndzi ta teka siku hinkwaro eka swona, kambe ndza pfala hi ku vula leswi.

²⁹⁹ Leswi i swa kereke ya mina ntsena. Kungari kereke ya mina... Kambe ntlawa wuntsongo wa vanhu lava va ndzi pfumelaka ni lava va ndzi landzelaka, leswi i swa vona.

³⁰⁰ Siku rin’wana, hi ku tiva leswaku loko ndzi mi byela swin’wana, swi fanele ku ta hi LESWI HOSI YI SWI VULAKA, kutani ndzi na Matsalwa tani hilaha A nga ndzi hlavutela wona. Kambe, “Hosi Xikwembu, ndzi nga vula yini eka nhlengeletano yaleyo xana? Ndzi tava ni ku avana. Vanhu va ta tshama erikupakupeni nale handle ejarateni, ni hinkwako, ‘Xana ndzi nga n’wi siya wansati xana?’ Vavasati, ‘Xana ndzi nga siya nuna wa mina xana?’ ‘Xana ndzi nga endla yini?’” Ndzi ku, “Hosi, ndzi nga endla yini xana?”

³⁰¹ Swin'wana swi ku eka mina, "Famba ehenhla entshaveni, kutani Ndzi ta vulavula na wena."

³⁰² Kutani loko ndza ha ri entshaveni, ndzi nga ri eku switiveni leswaku ehansi eTucson va le ku Swi voneni. Kambe hambi kuri vadyondzisi va vitanile vana kusuka...xinhwenyetana xa mina na vona, va huma ekamareni rale xikolweni, kutani va ku, "Langutani lahaya entshaveni liya! Ku ni Papa leri ri langutisekaka ri ri ra rivoni ra ndzilo ri yaka ehenhla emoyeni ri tlhela ri vuyela endzhaku ehansi, ri ya ehenhla emoyeni ri tlhela ri vuya ehansi."

³⁰³ Manana Evans, u kona lahwani xana? Ronnie, u kona lahwani? Ndzi vuyile hi le garachini, jaha leri ntsongo leri a ri ri egarachini ya mafurha, garachi ya Evans kwalahaya. Kutani ndzi nga se switiva leswi jaha a ri ya eku swivuleni, u ndzi dobe kusuka enkondzweni, a ku, "Makwerhu Branham, a wu ri lahaya entshaveni xana, a wu nga ri kona?"

³⁰⁴ Ndzi ku, "U vula yini, Ronnie? Ee," wa vona, ku vona leswaku u ya endla yini. Minkarhi yo tala swilo swa humelela, a ndzi tivi, a wu swi vuli evanhwini. Swi va...Nchumu wa swona i ku, u vona swo tala leswi swi humelelaka, swi va leswi nga tolloveleka eka wena. Wa vona? Ntsena a ndzi va byeli vanhu. Ndzi ku, "Ronnie, a kuri yini eka wena..."

³⁰⁵ A ku, "Ndzi nga ha ku byela laha a wu ri kona." A ku, "Ndzi vitanile mama, kutani hi yimile lahwani hi hlalela Papa lero ri nembeleleke lahaya, ri ri karhi ri ya ehenhla nale hansi. Ndzi ku, 'Ku fanele kuri Makwerhu Branham loyi a nga tshama ehenhla lahaya kun'wanyana. Xexo i Xikwembu xi vulavulaka na yena.'"

³⁰⁶ Kutani doroba hinkwaro, vanhu, va Ri langutile. Eka siku leri ri nga xa kahle kuri hava na mapapa hinkwako, kuri ni rivoni leri lerikulu ra Papa ri nembelelaka kwalahaya; ri xikela ehansi tani hi funele, ri tlhela ri tlhelela endzhaku ri tlharhamuka.

³⁰⁷ Vanghana, swingaleswi ndza pfala, mi nga ha famba kusuka eka leswi. Kwalaho hilaha loko Leswi swi paluxiwa eka mina, leswi ndzi yaka eku mi byeleni sweswi, swingaleswi Swi nga mi hundzi.

³⁰⁸ Sweswi ndzi vulavula ni valandzeri va hina sweswi, lava va ndzi landzelaka ni Hungu leri ntsena, kungari va le handle. Ndzi vula vumbhoni lebyi emahlweni ka Xikwembu. Ntsena eka ntlawu lowu ntsena!

³⁰⁹ Sweswi hi kumeka eka thyaka leri hikwalaho ka ntivo-vukhongeri lebyi nga hlamuseriwa hi ku hoxeka. A hi swona xana? Sweswo hi swona swi endlaka leswaku n'wina vavasati mitekiwa ka mbirhi, na n'wina vavanuna, hikwalaho ka ntivo-vukhongeri lebyi nga hlamuseriwa hi ku hoxeka. Sweswi ndzi lava ku mi komba swin'wana leswi A nga ndzi byela.

³¹⁰ Kutani loko Xikwembu, Mutumbuluxi wa hina, xi yutisiwile xiyutiso loko Xa ha ri lahawani emisaveni, Yesu Kreste; ni loko muprofeta wa Xona loyi a ntshuxaka a humelela, Muxe, ehansi eEgipta, ku ta humesa vana leswaku va—va huma eEgipta, ku ya va veka etikweni ra xitshembhiso; kutani Yesu u vurile lahawani leswaku Muxe u vonile vanhu va ri eka xiyimo lexi, kutani u va pfumelerile ku tsala papila ro thala, hikokwalaho ka xiyimo lexi a xi kotisa xexi. Muxe u kume sweswo, tani hiloko a ku, “Mi nge loyi a tshikaka...” Xikwembu xi pfumelerile Muxe, muprofeta yaloye a rhumeriwele vanhu, ku ta tiyisisa papila ro thalana eka bona.

³¹¹ Kutani eka Vankorito vo Sungula, ndzi—ndzi ndzimana ya vu⁷, vhese ya vu¹² ni ya vu¹⁵, eka muprofeta wa Testamente Leyi Ntshwa, Paul, loyi a nga hlangana na swo fana ekerekeni, kutani a vula leswi, “Leswi hi mina, kungari Hosi.” Hi swona sweswo? Hikokwalaho ka xiyimo xo thalana.

³¹² “A swi nga ri tano emasungulen.” Kambe Muxe u swi pfumelerile, nakona Xikwembu xi swi vone swi lulamile. Nakona Paul na yena a ri na nfanelo, loko a ta kuma kereke ya yena eka xiyimo xexo.

³¹³ Sweswi ma swi pfumela Leswi leswaku i ntiyiso, niku swi pfumela leswaku Swi huma eka Xikwembu! Kutani hi ku tiyisisa ka Papa ra Yena ni Hungu ra Yena leri ri ndzi tisaka eka vukule lebyi, a hi Xikwembu lexi a xi ri ehenhla ka ntshava xi ndzi pfumelakala ku endla swilo leswi, ku mi tshikisa ku famba hi ndlela leyi mi nga eka yona, nikuba mi nga ha swi endli nakambe! Fambani ni vasati va n’wina mi ya hanya hi ku rhula, hikuva awara yi fambile. Ku Vuya ka Hosi ku fikile. Hi hava nkarhi wo tshovelela swilo leswi. Mi nga havi na xitiya-nhlana xo swi endla nakambe! Ndzi vulavula ntsena na nhlengleletano ya mina. Kambe loko mi tekile...Kutani Xikwembu xi ndzi nyika vumbhoni bya sweswo, entshaveni, leswaku ndzi nga ha vula Leswi, nhlavutelo lowu wu nga ehandle ka ntumbuluko, hikokwalaho ka ku lemulum Swilemo Swa Nkombo, kutani lexi kuri xiyutiso eka Rito ra Xikwembu. “Va tshike va ya emahlweni va nghena tani hilaha va nga xiswona, nakona va nga ha dyohi!”

³¹⁴ “A swi nga ri tano emasungulen.” Hi swona sweswo, a swi nga ri tano, nakona a swi ngevi tano emakumu. Kambe ehansi ka swiyimo swa ximanguva-lawa, tani hi nandza wa Xikwembu...Ndzi ngaka ndzi nga ti vitani muprofeta wa Xona; kambe ndzi pfumela leswaku kumbexani, loko ndzi nga rhumeriwanga sweswo, ndzi le ku n’wi andlalaleni ka misava loko a ta ta. Swingaleswi ehansi ka swiyimo swa ximanguva-lawa, ndza mi lerisa ku ya emakaya ya n’wina, ni nsati wa wena sweswi. Loko u tsaka ha yena, hanya na yena, kurisani vana va n’wina eka ku tshinyiwa hi Xikwembu. Kambe

Xikwembu a xive ni tintswalo eka n'wina loko mo tlhela mi swi endla sweswo nakambe! Mi dyondzisa vana va n'wina leswaku va nga endli nchumu wo kotisa walowo, va kuriseni eka ku tshinyiwa hi Xikwembu. Kutani sweswi mi tano tani hilaha mi nga xiswona, a hi fambeni sweswi, eka awara leyi yi nga pela ya ni madyambu leyi hi hanyaka eka yona sweswi, nakona "mi presa eka maraka ya ku vitana ka le henhla ka Kreste," laha swilo hinkwaswo swi nga ta koteke.

³¹⁵ Ku kondza ndzi mi vona madyambu ya namuntlha, Hosi Xikwembu a xi mi katekisi, loko ha ha khongela.

³¹⁶ Hosi Xikwembu, ha Ku khensa. Ha Ku dzunisa. Wena loyi u nga Yehovha ya luya wa kahle loyi u nga pfumelela Muxe. Muxe, nandza yaloye, kutani hi swihi leswi a nga swi byelaka vanhu va yena? Kutani, Xikwembu, U n'wi pfumelerile ku nyika papila ra ku thala. Paul, muapostola lonkulu loyi a nga tsala Testamente Leyi Ntshwa, tani hi Muxe wa ya Khale. Muxe u tsarile Milawu ni ku hangalasa milawu. Vunyingi bya vaprefeta, marito ya vona ya tlhaviwe eka Wona, kambe Muxe hi yena a nga tsala Milawu. Nakona U n'wi pfumelerile ku yi tsala, leswaku a va tsalela papila ro thala, hikokwalaho ka ku nonohwa ka timbilu ta vona.

³¹⁷ Mukwetsimi Paul wa kahle, tani hi mutsari wa Testamente Leyi Ntshwa, a nga ha endla sweswo tani hi ku tiyisisa, leswaku, "Ndzi vulavula ehansi ka swiyimo leswi; mina, ku nga ri Hosi."

³¹⁸ Swingaleswi swi tano namuntlha, Hosi Xikwembu, emakun'wini ya misava, tani hilaha hi nga lahawani ehansi ka tintswalo ta Xikwembu, hi ri karhi hi switiva leswaku ku nga ri khale hi ta fanela ku hlamlula eka Vukona bya Yena. Kutani leswaku U endle swotala, Hosi, ndzi na ntiyiso, emahlweni ka vanhu lava, va ta nembelela eka Rona tani hiloko Ri huma eka Wena. Ni ku hlayisa vumbhoni lahawani namuntlha, bya vanhu votala lava va nga tshama lahawani lava hambi swi ri tano va nga vona Sayini ehenhla ka ntshava, laha Tintsumi ta Hosi ti nga ta hi xihuhuri, laha xi nga tisa Tintsumi ta nkombo, laha a ti paluxa Swihundla swa Nkombo leswi swi nga phurhumuriwa; kutani Ntsumi yona yaleyi, eka tlhelo ro fana, eka ntshava yin'we, hi siku leri Leswi swi nga paluxiwa!

³¹⁹ Xikwembu, ndza khongela leswaku vanhu va taya emakaya va ri karhi va khensa leswaku Xikwembu u va nyikile tintswalo leti. Ndzi vulavurile hi Rona ntsena, Hosi, kuya hi mpfumelelo. Nakona ntsena ndzi Ri vula kuya hi mpfumelelo, Hosi. Nakona pfumelela vanhu leswaku va khensa swinene leswaku va nga ringeti ku endla vudyoho byebyo nakambe! Nakona va nga ringeti ku endla vudyoho byin'wana, kambe va Ku rhandza hi timbilu ta vona hinkwato. Hosi, endla mindyangu leyi yi va leyi yi tsakeke, leswaku va nga ha kurisa vana va vona eka ku tshinyiwa hi Xikwembu.

³²⁰ Tani hilaha, Hungu ra mina leri a ri ri embilwini ya mina ri humesiweke, Hosi. Ndzi endlile hinkwaswo leswi ndzi swi tivaka ku swi endla. Nakona Sathana u ndzi lwisile ku ringana mavhiki, ni tiawara ni nga etleli. Kambe sweswi ndza Ri lerissa, Hosi, eka vanhu lava, leswaku va Ri dyondza, va famba va ya Ku hanyela. Hi nyike swona, Hosi. Ri sukile emakatleni ya mina sweswi. Va le mavokweni ya Wena. Ndza khongela leswaku U ta va katekisa.

³²¹ Katekisa swidukwana leswi, Hosi, leswi ntsena swi nga vekiwa lahwani, swa vavabyi ni lava va karhatekaka. Leswaku vusiku lebyi byi nga hava byin'wana lebyikulu, vusiku bya matimba swinene, ni leswaku vanhu hinkwavo va ta horisiwa. Hi nyike swona, Hosi. Hi katekisi kun'we.

³²² Leswaku hi nga ha famba hi ku rhula, hi tsakile hi tlhela hi tsakisisa, hikuva Xikwembu lexi xi tumbuluxaka xi hi kombetile "kusukela emasunguleni," nakona xi swi engetelerile eka hina, eka thyaka leri a hi ri eka rona, tintswalo ta Xona nakambe, eka masiku lawa yo hetelela. O Xikwembu lexi Kulu ni lexi nga Heriki, hi Ku khensa njhani ha swona! Nakona i ngi timbilu ta hina ti nga tsaka swinene, leswaku hi nga havi niku tsakela ku Ku dyohwela nakambe. Hi Vito ra Yesu. Amen.

Ndza N'wi rhandza, (hikokwalaho ka yini mi
nga N'wi rhandzi?) Ndza N'wi rhandza
Hikuva U sungurile a ndzi rhandza
A xava ku ponisiwa ka mina
Ensinyeni wa . . .

³²³ Ndza swivula sweswi leswaku tiministara ti ta swi twisisa. Leswi i swa vona lava va landzelelaka Hungu leri ntsena!

³²⁴ Oho, mi tsakile xana? [Nhlengeletano yi ku, "Amen."—Muhleri.] Ndzi mi byerile Ntiyiso, LESWI HOSI YI SWI VULAKA, ndlela hinkwayo! ["Amen!"]

³²⁵ Sweswi a hi yimeni hi yimisela mavoko ya hina ehenhla, loko ha ha ri yimbelela nakambe, "Ndza N'wi rhandza." Ndza N'wi rhandza hikwalaho ka tintswalo ta Yena. Ndza N'wi rhandza hikwalaho ka nsovo wa Yena. Ndza N'wi rhandza hikwalaho ka Rito ra Yena. "Hikuva Rito ra Hosi ri ta hi vaprofeta!"

Ndza N'wi rhandza.

³²⁶ Tana, makwerhu. [Makwerhu Branham a ri ni un'wana a ta ntshuxa nhlengeletano—Muhleri.]



VUKATI NI KU THALANA TSO65-0221M
(Marriage and Divorce)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo, Nyenyenyani 21, 1965, e Parkview Junior High School eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2013 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE,
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org